

懷星堂全集卷一

古調

夙駕邁皇邑

長洲祝



夙駕邁皇邑送胡侯也侯宰吳而循將述  
職朝于京師民願其陟明而懼其不來  
於是交懷乃述是詩送之凡二篇

夙駕邁皇邑奏計 天子闡命臣宰吳民民淳幸成

治君子閑禮教細人勤耘耔潢池徒涉境亦幸免顛

濟歲月可少假當轉瘠為肥臣政報不欺 大君企

鑒裁

夙駕邁皇邑公去我心悲京吳期月程父母何時歸  
所慮大君留吾儕將疇依賢人在高位庶績用咸  
熙子產往作相嗣之來者誰大君一內外留遣皆  
賢才

怨詩

繁霜隕衰秋萬物無一歡后稷苦望歲仲尼唱猗蘭  
東海有愁龍西崖有乳鸞文王舊時操極古無人彈

京館登樓眺遠

登樓睇遙際適值城東阿都市無曠壤萬室交鱗羅  
花鳥不見妍鳴輪日衝過衢喧萬方言嘈雜絲吹和

贊皇壽幸運仲宣憂獨多吳邦弗可見不樂將如何

舟行汶上薄暮看月作

璇蓋瑩空青飛鑑泛華艷川原邈夷曠踈木媚寒澌  
廣路斷浮鞅旅翫諧靖念跡逝偕志行萬里靡坊塹  
苟無忠惠持誰能勞不厭

自京師南赴嶺表仲冬在道中

秉策志渥丹牽絲及班艾拜寵北闕下寄命南嶠外  
霜履將蹈冰虛舸循寒瀨越鄉慚古節垂堂慄先戒  
劉公存社稷雅尚幸終會余弱壯求仕夙願令長今幸如志深與劉梁言志符  
合一丘沈結膺三曆擬投帶晚蔭答蒼靈赤鑑慎無

昧

五十服官政效白公

五十服官政六十方熟仕七十乃致政古今固一致  
吾年五十五始受一縣寄七里劇彈丸亦有社稷置  
夙懷同劉君後漢劉梁今此幸諧志所憂脚本短時彫虞  
易躡祗應盡素秉玄鑒不可悖一區石湖水漁舟早  
相伺

夢游

航葦緣曲谿峽深谿轉幽澹靚水氣甘葱蒼木蔭稠  
空舸孤持楫愈入世彌道步履窮豎亥抵此適余舟

蟲鳥元共性非契我何求

予行物已隔極境愈欲至獨有仙巢子被髮跪雲內  
栖巖玩頽陽流谷響清喟湏臾始云覲伺我九千歲  
海中多真人徒美遐不值琅霄有飈輪中夜以為會  
讀余侍御游泰山記詠其間二三處

明堂

於鑠姬后締茲合宮爰宅神明穆穆王風降及後王  
以奉土木彼營于朝形侈實黷今我泣瞻猶拜文武  
念茲草木且附聖土有赫我后三登五咸臣願師  
周唯后用鑒

絕頂玉皇殿

乾居冠峻嶽承級通明宮星辰綴琨棟雲霧彌璇墉  
攝齊入金門拜肅闕天容俯躬覽八表辨方識疆封  
西北拱式王室舟車方會同

日觀

我昔聞日觀想像當雄哉君今登日觀真從日邊來  
君言日觀高踞山之東左有天門右有絕崖從中突  
起一片石不知千丈萬丈上撥浮雲開扶携石傍東  
面坐但見東方無際畔盡在莽蒼滄茫間上不辨穹  
霄下不分人寰八極總一景焉知別華蠻忽聞天鷄

鳴一聲恍惚紅光射破青冥端龍宮煨火齊琢為大  
陽丸海波瀲瀲玻璃翻搏桑條條掃三山衛霞從霧  
紛爛端五彩錯亂多朱殷龍車不須轂駿鳥不須翰  
奮迅升天關游天衢兮循天環開闢六合天尊地卑  
萬物出作咸乂安日觀之日乃如此亘古不息正天  
紀蒼生仰照宣重光吾能言之自此始

方烈婦詩

芙蕖託藕根藕折芙蕖萎雄劍出土中雌劍飛相隨  
桐城有女姚嫁事方家郎貞心兩松栢信誓雙鴛鴦  
方郎中路隕女姚治其喪明朝郎入土何事妾不亡

妾有十尺絲玉質奄從化一夜寒霰零蘭枯蕙亦謝  
煌煌雙白璧合瘞南山岡宛宛兩柔荑為人挈三綱  
旌書下萬乘烈聲騰九有九原多雜臣試問方家婦

龍川山中早行

磻磻左山影橫截右山腰辨色鳥謹翔微光漾晴朝  
浮雲若中斷蔚蔚方行遙

朝雲山腰生我在雲中行只恐雲載我飛上白玉京  
世塵邈已隔天鷄猶未鳴須臾微風發東極金烏升

莆田鄭殿中綠野亭

吾聞烏山下千載君子宮云誰構此者柱下有遺風

昔與韓忠獻同升事仁宗抗節匡王度寒歲榮霜松  
翩然返薜蘿考槃亭此中孫子聯翼翔邦人亦欽崇  
出處鑒茲宅眷言均帝衷

贈倫解元

三首

佳人出南國鬱鬱春松姿手有龍卷文忠信以自持  
茂年秉高義淑姆群婦師君子聘好逑任妙共風期  
關關睢鳩化四海為雍熙  
珠玉一出世見者愛輝光雲漢倬昭回衆夫仰文章  
煌煌錦繡段願為衣與裳醴泉消渴心嘉禾望充腸  
亭亭梧桐樹可以棲鳳凰

明王攬大宇百福日富來車書上皇邑八表無遲回  
與子遇原野携手乃徘徊君行遵大路日以寫予懷

贈王翰林

思

先公昔登庸寔出元禮門雄篇累賁遺存亡被光燉  
吾兒繆通籍重得聯英騫頑鄙當其中俯仰慚祖孫  
夫子篤風義眷然推好敦昨旅同北都今來共南濱  
叶英哲產自艱分氣勤化元繩矩用必莊天球質本  
溫藏蓄在王府望瞻不可捫誰令寘海隅混揉珠貝  
繁蘭風滌瘴腥桐韻澄蠻喧邇來觀海居高寄城西  
原白雉不見來蜃氣日夕昏將無辱賢者乘桴

言韓公日良覲代隔道共存時時出卮言珍怪無  
璠頗聞多幽味深澹如丘樊蔚林斷湫鞅疏篠涵靜  
源萬境不能亂始知吾性尊鳳文非可求惠然下蓬  
軒雖欽俯芥收終愧仰蘿援即欲往從之川梁棘我  
輟塵謔無足投望報來瓊琨空荒坐遲晚勁策幸扶  
擗

題黃山人詩卷

山人黃震陽字一元臨川人  
能琴善醫曉五行祿命來拜

予縣庠中持盛王二翰林詩  
卷以代贊請詩因走筆還之

南來作縣官亦希遇異人三年霧眯目衣上多新塵  
翩翩一黃鶴啣書祝融濱下庭展軸諷字字青瑤瑤

既驚日暮契猶懷夙昔親鳳鳴燕雀間視聽斃得伸  
鶴乎果有升天翼借我乘之朝玉宸

吉湖口湯泉

慕詭適修禊嘯侶閱靈淵機權知匪測橐籥詎云偏  
臆沸連波起鴻鑪不斷燃蓋石愈怪傑襟湖何渺綿  
蕭丘有寒燄化理同一玄燧人與堯井無為帝力全

鷄黍詞

庭中有群鷄主人賦之黍魯鷄偶遠立於此有遺秬  
越鷄氣沾沾欣睨躍拙距主人軒然笑爾蠢何足語  
嗟哉胡得喪可惡爾畜羽幸福天所怒得喪天所與

主人唯至公但使豐年屢

讀嘉靖改元

詔書并閱邸報

臣敬作詩一

首

宮車昔晏駕

鴻寶歸

親賢

元后上聖姿神龍

潛虞淵乘乾奉

天祐

皇極建冲年百辟迎代來

凝命居清玄

皇風仁偃草一日周九埏震霆雨作

解赫曦清旻懸除兇力摧虎狻猊狂重鍵擊冥走鬼

彫好問廣詢延急治熱願濯從善坂流圓響答朝至

旻萬幾無停宣泰否一往復乾坤隨轉旋昔自堯

舜來神化無此前聲休度百王九廟光蟬媯天

卷四  
祿永無疆 聖治終始全 臣詩屬先驅 三靈赫臨鑒

過湖

紆迴蒼壁帶平瑩 玄銅鑑昊旭懸 邃霄光景高下湛 周覽總一天纖埃焉受犯

漂水官舍

皇州本叢麗 倅府亦多暇 高木停車蓋 白石砥根下 鷄犬寂不聞 明窓晃低亞 礪奏不絃琴 山橫無筆架 流雲過簷牖 斜照盪書畫 巖居固同此 此寓未稅駕 出高淳縣望寶積寺塔

巖邑無闐闐 出市即郊隰 淒涼木石寡 衡縱賦滄涼 微陽廣土被 厚霰蔓草浥 四垂天茫茫 忽覩斯獨立 檀欒布牙角 亭突樹磴級 卑壓蒼巒叢 明標粉黛及 遂疑塵井絡 仍謂賢聖集 旋行適復返 窺戶廓沈戢 游煩少解散 空諦亦叢及

喜雨篇送推官李公

三農病焦裂 百姓慕來蘇 焉知皇運仁 下土不終瘠 良風助玄雲 灑淅散膏濡 農人舖在野 蔀室權婦姑 拜嘉我李父 駕言忽 王都願挾懷 中澤呈君被 九

區



送盛斯徵中丞巡撫江西

公昔危言行忠信嚴操持抗節抑權近獨結明主  
知騰波百低昂底柱無虧移况兹唐虞朝盱夕須臾  
夔龍升雲亦高松老節益奇眷言命召虎江沱煩  
撫綏愚凜狂悖來十民九顛瘳于今保治要邦本最  
先宜公豈無素鑒次第將裁施格君雖美談寧邦幸  
沉思世願與史聲豈獨鄉人期

送徵明計偕御試

恭人當遠別思念畏寅送詎惟離群悵吳邦去光重  
叶奇珍不橫道適為宗廟用叶君其保氣體訊問

惻寤夢鄙夫誰向扣日益守空空叶時來玩鶴雛  
仰見翔鳳息賦李陵詩願為玉褒頌

鶴章

癸未歲人日余家構新堂成肅延北山  
老師醮陳感佑之誌當奏章時仙騏三

輩旋導燎臺奏升而駕亦逝象目瞻珠敬  
賦一章銘志玄賜兼謝周師精高之效書  
奉并望  
和篇

歸命禮昊乾肅筵事三清真功仗宸官得此金門卿  
碧牘函赤心法步凌紫京八霄青瀾瀾剛颺別魯城  
獨馳丹元叟直詣太昊庭紫皇已傳命仙駕垂雲征  
翩翩三編衣上下相承迎翔衛既通奏矯羽欲上升  
安得如几飛淹留悅歡情傍嬉臣詎同畏威敢為榮

始知精賢師可以徹土誠銘襟永攀脩玄社庶獲并

夏日林間

空林坐遠暑松蓋載炎日重陰集涼氣薄吹颺亦及  
幽禽時度語遙磻汎清瑟厨人列齋素稚子來共食  
援琴弄山海頗復似加適牛羊下前山自入後簷息  
余亦杖策迴今辰茲已夕

汎舟登郡西諸山作

西巖蔚春氣丹翠絢長靄結駟出閭門日華浮羽蓋  
曉市湊萬響方言九州會青翰迅妍洲遙遙背城邁  
中流簫鼓鳴連甍夾隄起叶鶯吟芳樹底鷗舞澄沙

際叶柳坂少依依花淑始綵繚逶迤度重嶺宛轉入  
蒙蒼欣遭勝域奏慮造俗累解薄暮風詠歸華月漾  
玄瀨鳴笳震水關登陸且迴憩叶遨翔訂可樂來往  
日月代

雜吟四首

青陽肇物觀披覽川隰外草木寒不榮玄鳥闕未至  
高原有松柏亦為蠹蟲敗繁華湏臾間後凋亦自貴  
惟望多麥禾麥禾可卒歲

春日欣載陽淒颯風霾曠蒙玄雲何許集晝夜彌衡穹  
孤陽秉光淑元化潛開通

尚樓臨道院舒目喬林端天際浮雲開遙見江上山  
山中有禹書竹簡鎖石函我欲徃求之試尋古道觀  
惟恐雲復合駕言空去還

鳳皇粲德文和鳴亦嘒嘒舉世未曾見衆口稱麗美  
唐虞有至治千載盛傳聞學者抱典謨終年向人論  
舜死鳳不來寒士長欣欣

賦得春陽曲戲東天文

錢唐蘇小小京洛董嬌嬈穠芳競桃李清潤並瓊瑤  
頽山左右倚因風上下飄東隣不姓宋無恠一相邀

秋日作

危陽旣驕夏衰霖復傷秋夏驕衆夫病秋傷田畯憂  
少壯且頽墮耆人衷百愁萬物蒙化成聖賢豈有謀  
栖栖非爲佞駕言我焉求

偶述情事

投弁歸柴荆時晦企遵養頗諧築構庸亦遂灌植賞  
素履暮已定空法獨結想自甘斐生戒無論字三衷

和亦氣謚焉足問直枉違俗柰東擾鈎校旣非尚物  
理不爽銖答應難絕響一字旦缺七鞅

爲張孝廉題留犢圖送吳邑楊明府

東京扇廉耀風流逮當塗時子牧淮甸解犢振清模

介石似滅頂千載不數夫安知後代士裂膚韞明珠  
邕邕楊夫子抱琴宰東吳盍水謂食潔戶兒言卹孤  
虞廷奏箭韶鳳凰翥宸都誰能獻丹青清風擁前驅  
復願寫縣壁告彼新尹圖

夢唐寅徐禎卿亦有張靈

唐生白虹寶荆砥夙磨磷江河鯤不徙魯野遂戕麟  
徐子十缺一周邃討務精純遑遑訪魏漢北學中離  
群伊余守初質温故以知新誰出不由戶貌別情還  
均濁世二三子厭棄猶爲人相逢靡幽明隔域豈不  
親茲塗無爾我相泯等一真昔亦念張孺猶能逐冥

塵

賦得君馬黃送黃翰林才伯

君馬黃臣馬驪駮以驥馬來何遲驪馬善折軸驥馬  
不失馳天閑衛龍馭終不到瑤池

又絕句二首

閶門車馬出楊柳綠依依龍樓清夢起開閣待君歸  
江山司馬筆民物杜陵吟他年黃閣裏便是此時心

詩四首

予見古今士遜世不缺一屏志羔鴈之咎或有知罔  
所荅徒負旃旌嗚呼獨君臣之際哉

盈盈高樓女粲粲紅粉粧灼灼耀容華粲粲缺一字裳丹唇激浩齒鬢髮婉青揚缺一字閭里缺一字洞房見者驚若神翹首仰輝光

名都多秀艷三五騁神逸六門交長衢窓中坐曉日

行行萬夫望缺一字不可匹君子嚴禮聘承筐富充積

嘉耦缺一字好述高堂鼓琴瑟

珠玉含澤輝妖女缺一字容華門巷多履綦缺一字冶市

門誇紛紛容悅已日暮宿倡家

巍巍西山高湛湛山下水昂昂千丈松靡靡百草委

上有虎鬼伏上有兔蘿倚

荅黃魯曾

昔與君子別朔雪正霏霏惠音阻良覲歎息避炎威  
偃卧懷夙昔風雨淠淠磊磊井上松秋菊晚相依  
倏忽時候變星霜迅若飛

懷知詩

卧病泊然緬懷平生知愛遂各為一詩少  
長隱顯遠近存沒皆非所計祇以心腑之  
真凡十有八人共詩一十九首

同老十八

顧明府榮夫

錢太常元抑

王文學履吉 二首 葛隱君汝敬

同湯徵君文守 謝處士元和

真表第蔣燁允暉言一施侍御聘之

其朱提刑升之及昔非張秀才天賦賦之

往者八人論對平主吟愛愛各為一詩少

吳文定公 王文恪公

韓尚書貫道 沈周先生

本郡使君南海林公 林林林林林林林

陸冢宰 朱孝廉性甫

朱文學堯民

顧明府榮夫

雞山燕市每依依此日都拋入洛衣家近鬱林公舊

隱門如彭澤令初歸空憐舊社惟君密却笑無車訪

我稀最愛滄浪池水好幾時同坐一方磯

錢太常元抑

入室芝蘭始見熏也知孤陋合離群烟霄本自冥黃

鵠城市安能駐白雲震澤晚山青歷歷漕湖秋水碧

泫泫相思只借中天月會把清輝兩地分

王文學履吉二首

七十看花歲已殘始憐梅蕊照衰顏河清可道遭逢

易駕俗深慚會合難錦繡段間藏黼黻驪龍珠抱媚  
江山欲留光彩無窮事心緒悠悠竹素間

我居廬陌子滄洲望隔江城各倚樓共惜賈生違漢  
室豈知王粲重荊州青雲尚恐終難附白壁空懷未  
盡投十載三都墻室滿不堪玄晏思悠悠

葛隱居汝敬

獨承華緒振芳塵想見先公氣魄新開口只傳前輩  
事存心不共此時人城中紫陌藏巢許門外青山是  
主賓布褐一逢埃土盡誰言叔度賤還貧

湯徵君文守

舞勺歌詩把袂儔白頭俱換舊烏頭深憐武庫空懷  
寶却羨名宗獨綴旒擊壤舍君誰作伴看山無我不  
成遊酣歌李白襄陽曲掌上隋珠國已收

謝處士元和

薰茗清談午夜陪詩筒拂旦又飛來應憐去日來多  
日却見千迴似一迴槐院定酬王祐志蘭庭休起卜  
商哀紅芳落盡青青在始信松筠是德材

表第蔣燁允暉

風雨牀空坐燭闌分襟兩見歲華殘蕭條鷗鷺江湖  
闊寂寞官商草樹寒王謝風流吾子在武功中外老

夫單懷君有句君應笑不向滄浪共釣竿

風雨林空施侍御聘之吳興

行藏蹤迹只雲萍一種神襟爾我形清角痛悲鳴晉

鄙黃鍾力挽向虞廷丹山鳳去尼丘歎紫府龍歸雲

水靈昨日書來淚盈把南溟心語到東溟

朱提刑升之 楚州

渚萍漂泊合江離並逐東流更不移豈獨松篁能晚

節共拋簪綬向明時烟霞草樹春容與霄漢星辰夜

陸離慙愧逢人說桑梓只如黃卷對光儀

張秀才天賦 惠州

文征屢北道空南雲錦才華織女慙宗廟豈能瑚璉

舍蛟龍未許土泥弁襟期天合膠投漆光彩神驚玉

在函不見書來誦書序相望渾欲淚氤氳

吳文定公

穆穆文定淵淵金玉風被四遠譽髦歸淑伊余小子

欽承在夙籥雲駿附潛泥躡伏詞林嚼恤悶息茅

廬扣戶請益拱肅趨隅教曰勗旃竭景劬書默爾富

獲單辭靡餘選曹展丘俾書皇綸山房接夕返

檝同津永言夙好傍諭前聞虛膺祗受充然萬珍

公耆後先三四及門一瞻百益矧曰終身望之如日



就之如雲大雅既喪悼實徒紛  
淵回車玉文恪公  
 肅肅文恪有嚴我師扣竭空鄙博約兼資片語必法  
 寸履皆規甘雨中含滋浹時熙  
屢躡于征靡辭有  
 戚公薦以升黃閣有職援呼日三導掖謨百嗟予不  
 肖鼎冶負德 邦作封史來相予總謂官冢君車迎  
 館奉力襄懷報寧公疾衆公往趣成傍誚莫誦公聞  
 斯愠命我專統謂守載屬同群益汹終亦靡克公愾  
 滋勇有矢異命卒隊茲恐  
天公歸在堂復佳函丈三  
 變泰如揚休彌暢湖山奠高風霆下土嗟予懦與弗

從以往中星載回遄失几杖梁木既壞吾將安放

韓尚書貫道

司徒巖巖四海具瞻孰不歛衽植偃確頑蒙遜以卑  
 霄麗泥蟠訊之招之令之曰前旭日垂熙温誨孔殷  
 昔我先公政于晉陽知公于童拔立序庠範之德  
 行訓之典章古道世用啓迪游揚聲詩書畫亦靡不  
 詳曰爾國器必成用光公曰於乎前德不忘 乃共  
 之食乃賜之帛嚴威儼恪靖莊允塞拜賜必誠餐德  
 必實一望弗再有啣以訖

沈周先生

有華東陽燁于吳門古有遺高展也茲存孰爲先生  
秀降三辰曾集萬寶手揮五雲九淵湛映千莖齊芬  
鶴跼霄達抗百風塵 維予二祖式契且姻親公自  
髫屬于夕昕齒惟父子視猶季昆聚晤真真援推勤  
勤謂子良史左丘馬班謂子鵬運直舉橫騫安知乘  
馬班如迤邐終需于泥以卒歲年 余旣暮矣公猶  
歸然于何不減自遐不因一往不復追悔空辛豈念  
平生我思古人

本郡使君南海林公

昌哉我牧百夫之特瞬洞萬禁平吞四渤經庫儲學  
智囊韜識鸞刀一振百截以訖吳材總升胡特我物  
載笑載言載詠以繹有作斯屬慚孤善述冥留靈逝  
奚贖身百九京有知有茹閨臆

陸冢宰

陸締于我好也奕世中丞汪汪視實兄弟翔泳殊能  
達磐別致川梁無接樞鐔遙契南都于遘日以文會  
勗哉進修驩然游藝鷗鷺先盟江湖結氣 公績平  
寇尚克銘紀首聚瀕臯夙約載厲迨登掌武爰均四  
海迹用地隔禮由嫌廢穹淵契闊恍若越世 恩譴  
公被不才余棄聚散忽再幽明永異終則群疑始亦

何諱丹誠寸積悠悠兩在天吳晝掠鰲波夕沸茫茫  
大壑蒐兮何寄

朱孝廉性甫

秀矣孝廉名駒在谷白玉清冰碧梧翠竹少游諸老  
孤鶯喬木予家日見匪暝維風黃庭晉度朱絃漢曲  
群公星落長庚爾獨後生更仰雞群昂鵠頽然順化  
行閱滄陸修年默逝亦可世哭雅緒君斷更莫彼續  
來英日富風流絕目前修履踐流膏碎馥嗟子勤哉  
堆箱疊腹繫我與君髡皓相逐今我視衆如君我矚  
餘霜猶幾三歎不足

朱文學堯民

葑亦多彥哥矣兩朱崑丘連壁嶧陽雙梧子出最後  
遺風爽如寒泉冬潔菘竹秋臞積百媚學孰儷君劬  
宵聞片籍屏寐以湏失之皇皇獲之愉愉拋裘噴炙  
投玉捐珠珍香寶茗法繪名書清談晏對日坐仙區  
愛我維篤棄我亦徐悵其邈矣臨風永吁

挽歌詩

清晨出閭門丹旗何飛翻問之路傍人新鬼即幽墳  
翹望旗中題知吾夙所敦昨朝華屋間啞啞相笑言  
日月畧流轉幽明已異門昔時強仁義茲辰聲益尊

屬徒送自返婦子亦一喧君獨長甘眠不知悲與欣  
由茲壽無垠萬秋如一昏零霜殺宵草繞山游微魂  
游魂不復貴所慰行節存

寶劍篇

我有三尺匣白石隱青鋒一藏三十年不敢輕開封  
無人解舞術秋山鎖神龍時時自提看碧水蒼芙蓉  
家雞未須割屠蛟或當逢想望張壯武揄揚郭代公  
高歌撫匣卧欲哭干將翁幸得留光彩長飛星漢中

黃金篇

靈質自化育英姿藉鑪錘虹光衝煜煜晨曦縱焯焯  
紫霞煽虛燄青渠暈幽蕤在鎔未云卜躍冶詎其宜  
能函大鈞體伏型韞神奇何當錯寶鈿戮妖血荒夷  
鴻祕已出柙勲用吾未知疾市碎礎斧交易方紛披

八詠

禁省

彤華耀芝蓋初旭浮絳纈紫殿切五雲螭表雙嵒嶸  
千門洞陰陰天光互明滅英英鳳翼擁肅肅羽旗列  
仙韶忽然奏鳥獸咸應節皂囊上玉陛丹書出金闕

軍戎

西北羽書急半夜渡湟水上將受鉞出壯士把弓起

天王跪推轂四海盡雪耻殺氣入匈奴萬里地色紫  
瑠戈插犀甲鐵勒封馬齒平生百戰身常擬一日死  
山情必念田家  
溪流浸茅宇短簷挂犁鉏柔桑交午陰幽禽時相呼  
稚子跨犢眠夢歸候朝鋪稼翁釋其勞斲往携陶壺  
老妻督少婦擇繭停辟纒輕雨日日零群苗盡懷蘇

### 漁釣

幸非城市住不舍煙波宅白鳥麗金沙蒼莓繞黃石  
涼陰木澗青平遠水天碧梁寒魚盡落稻晚蟹猶瘠  
脩綸倚笊箸敗笠蓋襖沾酒自易醉楓根忽終夕

### 禪林

泥洹金為地祇園寶作坊蓮猊兩足尊天龍億萬王  
燈存千歲燄鑪騰百種香精舍坐苾芻屈曲蜂聯房  
又如拘陀葉處處陰清涼暫棲蘊已空弘慈不可量

### 宮觀

青霞抱琳館蘿陰絡深逕龜遊煙沼煖鶴立天壇淨  
微香拂幽洞欲覓風不定雲房並縣簾晝日鎖虛靜  
琪殿臨高臺時聞落瑤磬循除步周匝徧扣無人應

### 俠少

三游本豪武七貴元驕惰腰間血七燿頭上金丸過

艷妓掌列盤變童口承唾高樓沸歌鍾王侯日盈座  
殺人不須仇睚眦家立破郭氏族盡滅銅山死猶餓  
其煥調高宮闈  
十五事君王三十色未接醯條空近羊蒿藹不集蝶  
昔慚鴟夷汎今免呼韓挾天天東鄰子看星誦桃葉  
塗黃斷橫雲流紅漬團靨金微幾千里一夜去來疊

### 太行歌

上客坐高堂聽僕歌太行六歲從先公騎馬出晉陽  
遙循厚土足忽上天中央但聞風雷聲不見日月光  
狐兔繞馬蹄虎豹嗥樹傍衡跨數十州四面殊封疆

童心多驚慄壯氣已飛揚自來江南郡佳麗稱吾鄉  
邈哉雄豪觀寤寐不可忘人生非太行耳目空茫茫

### 金臺

東南控瀛海西北壓胡塵召公上輔周文侯方用秦  
子丹養君子不惜如花人昭王禮郭生崇臺懸黃金  
齊方入騶衍梁邦來劇辛從來燕好士彊國尚功勳

### 漂母祠

子胥逢擊絮遂為鞭屍人淮陰遇漂母終亦去亡秦  
豪傑與嬋媛萬年共一塵清淮映古廟月明空泫泫  
安能問市上復問哀王孫

安道園題隱士山居王詩

志士果藏隱勝境合冲閒冥冥討幽曠息躬構深山  
青蘿施欄宇循除鳴流湍綿帟積皮几時衡素絲彈  
出郭便無累何煩嵩華艱危岑寄遠氣屹矣不可攀  
齊丈人唐人寫胡騎圖

天山一夜雪北風吹復乾胡兒騎馬出踏碎白琅玕  
鬢胡擁羶頭旃毳不知寒季冬飛鳥絕虛絃控不彈  
焉知北海雁高翥入長安帛書天上度何功報可汗

家藏馬遠春山行樂大幅

淑候媚川石初景澹林霏扶藤循石坂楊柳共依依

朱絃卧行襍隨往抱希微無論遇高賞器在道無遺

戴文進松崖

陰崖萬古懸橫出千歲松中有落澗遙怒躍數白龍  
長年不聞聲發卷耳欲聾遠楚夕芥蒼町曠迴照紅  
此域萬物靜尚有坐二翁何必非夷齊破衣蕭蕭風

劉西臺畫松

何年楮先生結此太古骨飛龍蛻裁肉餘甲裹枸檮  
神根發生理元氣日勃勃彭城已廿載此骨長不沒

題畫二首

白雲媚蒼山寂寂太古春窅藹林薄中一區宅無鄰

揚子坐清靜閉門了玄文兩生勿輕過惟通問字人

其二

季冬雪重積十日奇寒冱啾聞不聞葱蒨失其故  
客子欲何歸中林猶獨步幸有蒼蒼松為辨去來路

秋山琴月圖

玉照洞秋冰厓肅夜靈籟之感絲音茲舍太陰幽煌  
希聲無倪迎之以虛承之以微

詠新安許氏石潭

沈沈山下潭粲粲潭中石結宇子亦賢喜作石潭客  
將同丘生棲可有奇章癖茲標本余契遐詠亦馳適

次韻得之看梅

江梅不畏寒時至開如霰瓌姿靜在野卧病不得見  
國士抱奇寶端居察時變杖策出城市蒿萊滿荒甸  
遐尋得幽賞獨對姑射面化泰草木蕃時閉賢不見  
無禾比兩歲缺將九縣分珪善會計棄士如土賤  
俗儒誦腐簡鄉子樂耽燕歌唐虞授復譽湯武戰  
子有經世懷待賈不自獻神威盛龍熊奇秘卷帳鈴  
去聲時節會應求風虎期非晏巍然奮載績志沛聲亦  
建

草閣玩水圖



濠上有川歎滄洲多海懷伊我江湖姿浩蕩中淵迴  
尋秘右洞庭飛衿左蓬萊瑚璉探富獲存之無輕開  
揚波萬古源蕩涵塞視埃誰能寫小筆聊意亦可諧  
仁智在戶限寄言亦悠哉臨詠志一啓得者亦可推  
黃汾窈如湮安問傳巖才

神游篇贈黃勉之

勉之將遊遊先  
自呼五嶽山人

帝遣河上公下來赤縣游采真金庭房漫衍三十秋  
禹書眇一策詎幾窮沉幽蘭香悅亦感安能久綢繆  
回首視泰元紫烟覆神州壘落結五丸杼軸冥交鉤  
內笈千神鈴星雲表沉浮猿鹿總千歲桂姿無年休

雨露黥在下日月環輪流憶昨鶴上客招邀翫滄丘  
子旣夙邁之飄然躡霞輶長歌我勸駕神偕足孤留  
金烏鳴日觀玉女呼洗頭三壺風帆迅弱水不容舟  
隨風唾珠玉空徧缺二收聞有金光草寫墨無所投  
升攀星辰宮忽恍垂前旒長跪問寶章八荒極探搜  
一餐換塵骨萬品皆蜉蝣與子無往來逍遙齊所求

尚書內相毛文簡公挽辭

休辰盛文化畿英富登庸蟬聯首四方藹藹來毛公  
翼翼寶玉執桓桓岱山崇翊亮總王禮啓沃諧王  
袞三朝補缺袞百辟詹清風職思謹詔相不綵亦

不諫公薨 后弔恤哀榮天壤終

懷星堂全集卷五

歌行

長安秋

長洲祝允明著

長安昔日在關中洛陽浙右亦相同  
四江東自古帝王宅周秦已見氣  
葱葱長道石城如砥礪虎長道鍾阜似  
蟠龍千年王氣浮天表一日真人建  
法宮天府天開天闕起五門三殿當  
中峙五鳳樓前柳似烟奉天門外天  
如水金陵金闕勝金城玉陛連天接  
玉京星散羽林霜氣肅天臨華蓋日  
華明十二飛樓石門繚百萬貔貅屯  
八表寶刹天花和月飛郊壇神樂穿  
雲宵

御史當街百騎驄將軍納陛羅霜鋒五侯甲第遙迷  
霧七貴前驅響鬪風鳳凰臺上鳳凰遊玄武湖中水  
似油萬戶鶯啼花裏曉千家砧搗月中秋會同館外  
白雉多包茅楛矢交經過重譯來賓醉并服輕烟澹  
粉列青蛾六樓六館鬪倡妍日日新聲沸管絃狹市  
斜街迷錯絡曲房洞戶暗鈎連吳下書生好遠遊抱  
書來看帝王州那知高卧西風邸蓬眉蕭颯長安秋

呂梁行

呂梁縣水三十仞於今洶湧乃安流禹平水土通九  
州當此徐兗間閭水破山始行舟仲尼逢至人其言

載莊周爾來二千年高者乃夷衡者孳魚鰕龜鼈不  
可過飛鳥臨之回翔不能留嗟爾東西南北之人胡  
為此中游到京忘家歸家忘京不知此險死生隔其  
中爲心喉痛人皆化爲至夫吁嗟乎孔莊之歎空悠  
悠

濟陽登太白酒樓鄧寄施湖州聘之

昔聞董糟丘嘗爲李白天津橋南造酒樓人間二子  
不可見唯有傑句挂余心肺爛珊瑚鈎長安風沙  
住不得南歸再卧蘇臺秋泊舟濟陽城買酒銷客愁  
登樓拜先生進爵澆黃流知章不語先生笑飛花亂

撲過樓頭金陵更無鳳凰遊岳陽莫將黃鶴留鄉關  
浮雲蔽落日題詩卻寄施湖州余為先生牛馬走湖  
州乃是賀老儔西塞山杜若洲與爾相期釣鼈去千  
年江海同悠悠

歌風臺

掉臂長安市遙從日邊來因過芒碭下步上歌風臺  
沛公善任使猛士亡其骸帝業禘王成慷慨襟抱開  
大風飛雲亦壯哉韓彭英盧相繼死寄命寺人髀股  
間未央志氣拉颯摧相望千年餘安能為之哀明朝  
放舟淮浦去項王韓侯祠下亦徘徊

清溪宮夢仙吟

都邑聲色區此有蓬蘿風黃埃不入門十月清溪宮  
幽閣掩竹牖舒足眠高春隔林羽衣人焚香鳴槁桐  
微火縈脣沈綠塵婉空蒙淒絃汎寒飈引聲入雲中  
吾不解世曲聊與神明通思借大鯤翼小戲滄海東  
微暝已復來客調猶未終

繼盧全體作星字詩

大明御天一百四十歲周星八風和七曜盈紫微四  
小沫不守內屏欲凌昊穹紀上千天皇大帝勾陳宮  
狂字冒越日近五帝內座側挾帝德刑以揮霍列宿

橫行天田中周天萬曜一旦比周為縱衡文昌顛倒  
六符屢滅沒泰階不得平左右執法進退歛避與廷  
尉不守理刑罰不中天獄滿貫索纍纍死人無名牽  
牛不得安服箱織女不得織小東大東杼軸恣空耕  
桑一無成東有啓明不啓明龍駕迂迴不知朝旣盈  
九州分封諸侯越位于天刑姬訾降婁大梁不能司  
矩奠西南秋不肅析木大辰壽星不能執規肇東北  
春不榮南方三鳥閃爍恒暘不能正炎紀實沈玄枵  
星紀不敢寒若使北極寧二十八舍咸錯溷不問所  
主皆附阿憂擊以相盪傾郎位十五漫衍不得宰赤

子羽林軍脞堦不執兵狐南老子性耄荒秣將日月  
諛人以千歲稱農祥不見八穀亡一星亡不登一穀  
八星都抹殺那有一穀登德星散賢不進東壁暗文  
不明三心披離隔夫婦恒星不見憂公卿福星不號  
鮮于侁客星不名莊子陵柱史斥不得主記注御女  
屏不得列好姪蒼龍把截作裳服白虎被翦作干旌  
赤雀啾啾作蒯徹玄龜妄獻兆大橫庚庚不顧叛逆  
作孽不可活與臣子言依孝忠三能伴北辰墨墨天  
中央一星亂天綱天屬盡失常豐隆不為瑞變竄色  
貌青為蟲赤為兵荒餘氣鬱結不得申作霧塞京師

竟日玄以黃西畢爲之哭終歲流滂滂坐令平陸爲  
湖江浸灌沒溺死天赤子十有三震雷號寒月喀喀  
摧棟梁四字視天如平坻謂可反手移凶氣既滿盈  
狂謀轉轉大顛癡漸次日月尊亦將不自持四字肆  
昧欺遲留伏逆咸違期乃與其類群氛衆沴團結爲  
妖祲撒沙游燐潛羅紫官內外進禍機西邊喚天狗  
北畔呼旄頭長柄擎攬搶大旗張蚩尤要以缺三壬  
辰之夜反黃道乃當颶回霧塞三精六合翻覆沈淪  
休皇天震怒敕六丁清宮入禁窮禽蒐元凶四字肆  
齟齬逆黨瑣碎咸屠劉血肉與積藏堆塚如山丘當

時從逆徒簡別分等儔流彗盡掃除祥景重羅收有  
如臨淄王起兵半夜斬韋庶人沴物散落如雪勿復  
留再將元氣太和窟搏作靈辰秀曜挂爲天皇旒森  
森布列三百六十五度四分之一之內乾文燦爛文剛  
柔嗚呼日有食月有食皇天自悔禍萬古明不息柰  
何凶殘餘敢行橈皇極穢亂盡蕩滌光華再烜赫當  
孛乃不孛至矣仰帝力盡盪滌仰帝力

答孫山人一元寄吟卷歌

秋風落葉露爲霜美人去我天一方只知朔鴈翔南  
去寧解魚書可寄將分開尺素雲生手濯濯芙蓉倚

楊柳金丹熒熒伏鼎竈寶劍時時拂河斗仙韶本是  
清都樂欲奏人間舞群獸去年送別吳王臺屐齒微  
蹤長綠苔相思每望秦川月寄信俄逢越使來越使  
能寄書不知書中意何如君能寄詩卷不知我腸車  
輪轉李白上天鮑照沒此聲何處君留得霞為衣今  
月為澤金光草今換君骨二子雄風不可尋九霄星  
露夜沉沉但看一片千年月懸向青天照我心

送徐先輩

中行

吳王城中三月春吳王城外送行人飛花亂撲長江  
去條風東來布帆舉將留欲舍心趣多難行難止柰

君何

招鳳辭送彈琴楊三遊金陵

玄桐挂朱絲碧軫黃金徽獨抱登高臺坐石上時一  
揮清商不如清角悲鳳來歸鳳來歸高臺紅日麗秋  
暉秋暉欲落兮鳳來不來

王右丞山水真蹟歌

生烟漠漠中有樹樹外田家幾家住重巒複塢隨不  
斷茅舍時時若菌附兩人並向魚梁涉一鳥遙從翠  
微度行雲澹映荒水陂似有斜陽帶微煦傍篠白沙  
明青林滃沉霧乍明乍晦景萬變想當夏盡秋初處

石墻短緣隈隈水淺縈迴寬平一畝敞層屋板扉犬  
卧無人開書堂樹深晝寂寂主人應是王摩詰清晨  
騎鹿看田出行過柴泚日向夕會招高適與裴迪共  
賦輞川佳事畢圖成興盡詩未筆

任月山九馬圖歌

古人頌馬自魯駟杜詩尤勝伯樂經近代畫馬稱曹  
韓後來獨數李龍眠世無神手有神馬眼底誰能分  
造化鄒陽示我軸有咫驚絕縱橫電光起定觀始識  
任都水馬後金聲出吳李房星九點光殷殷天文地  
類相爛媠龍媒無種世亦產何必置牝宛代間于今  
不乏十二閑如此又墮文書裏前年禦戎急芻騎何  
不引此踏賀蘭嗚呼九駿安得歸龍班一匹可以當  
三千吾言亦能道塞淵爾尚伏櫪吾何言

俞漢遠雲山圖

洞庭之南瀟湘西濕雲從龍凝不飛九疑縱橫不可  
辨二女望斷重華歸山河茫茫都一暝仙宮隱入層  
霄迥水滸渾迷行路蹤雲端忽露青楓頂披圖亦覺  
亂心曲嗟爾良工意何局人間晴雨相倚伏祗在君  
手一翻覆

曹民部藏何太守山水障歌



蒼烟橫晚江江樹不可辨遠山號國眉近山鬢不變  
誰將元氣夜半翻凌亂少陵好東絹幽人絕流一葦  
航應恨可人不相見千村萬落路不通恐有閉門忘  
世翁孔明漸老安石卧誰爲蒼生起卧龍湏臾雲樹  
開蒼茫始識九疑分瀟湘良工出自何水部妙思已  
落陳思王陳思王今葛謝袖中脩脩有造化蕭齋晏  
坐對圖畫時發雲霖潤天下

戴進風雨歸舟圖

黃陵廟下瀟湘浦西風作寒東作雨鷓鴣啼舌到無  
聲誰管行人望家苦柳州刺史幸不違長沙太傅音  
塵非翠蛾班管在何處萬古重華呼不歸

唐寅畫山水歌

杜陵一疋好東絹韋郎上植松兩榦唐寅今如曹不  
興有客乞染淞江綾前山如笑後如怒疎林如風密  
如霧黯黯渾疑隔千里蜿蜿忽辨綠溪路黑雲互蒼  
梧丹霞標出城壯哉畫工力九州通尺屏兩厓遠立  
翬兩角一道空江浸寥廓吳綾本自淞水翦誰把滄  
澗辨清濁茅齋傍江絕低小羨爾高居長自好今年  
吳地幾魚鼈看畫轉覺心熱惱黃金壺中一斗汁我  
欲濡豪映手濕莫教童子誤撲翻忽使癡龍携雨出

幕嶺歸樵圖

吳山嶺頭風蕭蕭吳山落暉紅抹腰蜿蜒鳥道自能  
認只在中非市朝燒薪暖酒換魚煮五十行歌氣  
如虎朱翁側足金馬門吾儂未合無媒路

董烈婦行

大壑松不彫高山石不朽覆載無改易世有董烈婦  
烈婦王氏名桂芳十七嫁與董家郎董郎卧瘵一年  
死烈婦嘔血手斂藏當時信誓對日月誰能上掩日  
月光死生契闊志不違老姑無依老母嫠母與烈婦  
伯父期他年徐與重結禰為言汝壻昔儻居壻死居

停主人將奪之汝曷來歸予汝棲與汝伯父相因依  
烈婦聞命志益悲未聞太行王屋曾為愚公移天地  
生我死我自有處何有一撮茅土為總帷啼眠風灑  
灑母日護之不少舍後數日母去謂汝送我而後返  
吾不汝詐婦勉從母歸稍進一飯喀喀哽塞不能下  
長號浪浪淚滿把投匕曰我去母復送之野烟雲慘  
澹日一抹宣公橋下水潑潑婦云母乎河水清且淪  
漪吾往從之樂不可遏母聞驚絕色慘怛大呼褰裳  
不可脫漸臺水深瀨水闊斷萍芒芒強令活去矣還  
復入君門抱君靈主哭愬君君神在木聞不聞肉摧

血裂竟紛綸母去兒解防兒身終自妨兒有十尺麻  
為君繫三綱粗粗髮經移在脰玉質高縣几筵右手  
持元氣還乾坤青天增高地增厚是時婦年纔十八  
英風烈烈塞宇宙嗚呼十五國風一共姜南朝惟見  
李侍郎忠節不但臣妾慶為爾君夫何獨幸愷悌君  
子洪嘉興二年一日風教行為爾成墳救埋玉彤管  
有繹光熒熒豈徒肇家聲豈徒信鄉俗歌謠長吏澤  
愛戴國家福愿存盡封恤樹勸望旌復嗚呼天下多  
美人人百其身倘可贖

懷施侍御儒遂贈三首

崇堞倚紫冥丹雘摩空青城中樹稀無鳥聲昨日聞  
公入朝列相思一夜腸欲絕古人不可見今人交多  
面古人千載只可慕今人可慕難可遇君離越玉臺  
吳王臺下來執手一徘徊銷盡萬古曾中埃與君交  
一日一日日益韻交君未渠央我長不可極韻  
嶺南古松氣森森如君此時之古心蜀山擺梓蟠天  
回如君卓犖之奇材文章黼黻溟海深令言徽行貴  
兼金 天子策名作進士選衆舉為侍御史巡行塞  
徼安遠人諫諍朝廷厲風紀餘力千詩百賦成四散  
江山被繡綺丈夫行道志大申勲名祿位極此始

關關雎鳩在河洲妾事君子願到頭紅顏雖薄志貞  
固脂澤履綦亦自脩鴛鴦錦囊鳳綺琴蕙筵蘭室奉  
徽音金壺玉卮為君斟無將菅蒯敗昔心願為南山  
之松柏不為鶴鵠之離禽天道人性此最至人倫盡  
然同古今

送方行人 鳳新擢南道侍御

彤門九重遠萬里四海平康此中起六月七月雜暑  
雨街泥纜乾行沮洳送君都門東堂堂儀貌清且雄  
手持繡斧騎花驄丈夫意氣凌紫虹飛帆南指青冥  
度石城微茫繞烟霧明月娟娟淮水樓晴霞冉冉鍾

山樹玄武湖邊攬蒼翠北睇 皇居想安寐何以獻  
之緘皂囊一日三發迅鳥翔君能言君理盡君言安  
得皆流行一日三發翔鳥迅酌君玉壺之美酒贈以  
錦橐之瓊琴清塵弱水自此隔天涯日望瑤華音

北崖行

君不見吳江汝君子性如山善如水胸蟠萬卷 帝  
未知坦腹高眠故園裏明珠無淵不可含白玉須蘊  
嶸嶮間翦瓊截壁為小山植朶芙蓉浸潺湲花木被  
臯隰鳥鳴相關關汝君子居盤桓澄懷共高閣攬蒼  
蒼兮瞻巖巖恍然卧遊穹巖邃谷一日數十獨往還

蓬萊近東隔弱波衡廬南見空峩我人間大山西北  
多太行恒華不得並列將如何我山不在大俗駕不  
得過題名曰北崖高揖祝公爲我歌我歌北崖兮氣  
勢上與浮雲齊光景凌亂干虹蜺撐星挂月拂紫微  
崆峒倚天劔崑崙昇仙梯女媧遺子今日補天闕或  
作筆柱寫帝黼黻揚鴻輝斧鉞姦宄亂賊定君臣  
是非禮樂制作風雅發揮汝君子北崖爲子悅性情  
成功名請歌北崖行金石千年標頌聲

獨當竒處行題何大叅子元藏沈隱君畫柳

州江山圖

祝融峯高插南極東南邨江流不息桓圭削綠浸  
池天下江山竒復竒昌黎序送廖道士地文爭竒無  
比擬咄嗟道士不可當豈知今有何夫子何夫子謫  
仙人海外紫鸞驚天邊石麒麟才如寶劔百亂截文  
似萬花天下春昔辭瑤京下九國仙姿蕭颯難容得  
置之江山最竒間明珠辭輝玉避色沈君頗似能寫  
真陳子善題濡筆墨何夫子歸去來江山之竒亦小  
哉君有大道縣襟懷我欲從之問消息邨江東去何  
時迴東瀛弱水倘可渡與君握手登蓬萊

訟風

臣將衆心箋天公一月不改東北風酸澌射人痛兩  
瞳零亂百物紛蓬蓬炊烟作難幸出凶溽淚滿面嘻  
何從葦窓楮帳羞無功禽鳥素少并絕蹤鯤溟竭石  
海氣通寧或鼓颺由癡龍六月七月如初冬風伯風  
伯聽吾訟顛倒伏臘何強雄祇恐老天不君容

月泉篇

道人號月泉邀作月泉篇道院常有月道院本無泉  
石壇空歌罷斜倚長松眠竿籟盡沉寂雲烟紛綿聯  
上有黃玉頂下有碧瑤淵心賞極神暢不測何名天  
恍然欠伸雙瞳開手握碧蘿脚躡紫苔猶是朝元之

宇步虛之臺人間少玄境况此百肆萬火中安有廣  
寒與蓬萊吾聞太湖之傍洞天之幽千山繞繚相羅  
周其間飛珠噴玉貫穿漱滌多異流夜夜玉鏡飛上  
千山頭來印萬壑金波滉漾寒光浮姮娥下浴魑魅  
避眼波瑩照大九州授仙老以玉訣與三光而俱留  
道人已自夢中受得金鎖流珠之洞文吞黃月而飲  
上池舞貝闕而遨蓬丘世間月泉空悠悠軒轅之孫  
爾同儔胸有日月袖有海能爲道人作此謳向來院  
宇多垢濁勿將靈詮語蜉蝣

玉泉詠

滴滴瀝瀝瑤珮鳴縹緲縹緲銀河清權公妙句我斟  
酌醍醐稍重瑠璃輕入功德水發源處分來南部深  
公許六指道人隔墻住牀頭共聽無舌語

將歸行

丁丑九月還興寧廿七夜渡頭舟中  
作時慈親在吳室人在廣兒在燕

老龍渡頭秋欲歸炎州霜輕葉不飛江東遊客未授  
衣擁衾支枕歌式微自余之來且三北燕吳萬里稀  
消息自蘇越惠六千  
里京師九千里高堂夢轉眼冥冥山圍蜚船天  
潑墨南溟有龍不可屠北山有虎不可誅鴛鴦相望  
懷慈烏况又嶺南多鷓鴣

短長行

昨日之日短今日之日長昨日雖短霽而暄今日雖  
永陰復涼胡不雨雪為歲祥胡不稍暖開初陽徒為  
蔽天氣曠日黤黤人物慘慄無精光物情望有常造  
化誠叵量氣候淑美少君子道難昌陰晴長短不可  
問古來萬事都茫茫獨憐窮海客卧者鬼繞江南烟  
水航

月烏篇

吾鄉沈郎字仲寬為我遙索月烏篇月烏喻孝與客  
旅二者未知心所安孝為百行大且初烏中曾參人  
不如吾聞沈郎孝且才即此乃是曾之徒寒光滿林

莫返哺啞啞叫斷腸欲枯我今南飛依棘枝爲子仰  
天強哦詩烏啼月落粵山低一夜魂遊吳苑西

贈盛翰林

端明字希道

卞和能識玉荆山得良寶知玉不知人屢削自殘槁  
孟嘗有內珍何意貨賄間靈物不能舍神珠自來還  
盛公抱天瑞手把山龍章倦與時人觀放之瀛壺傍  
朝披金光草夕懸明月璫適從具茨來獨宿白玉房  
凡夫亦知寶未得先生儻肯示以求之方

鳳凰篇

寄盛王  
二太史

翩翩雙鳳凰飛集南海傍衆鳥徃從之不棄老禿鷓

鳳凰自飛來只在海傍宿人爲天下祥我爲天下哭  
鳳鳴四海清老鷓亦解啾啾聲老鷓無鳳姿籠中拘  
辱不得爭鳳凰顧老鷓相慰勿自傷老鷓荅鳳凰鳳  
兮知老鷓老鷓只在草莽伏物遇其類心凱康但令  
鳳凰聯翩上阿閣老鷓百歲沒向江湖亦足樂

王提醒畫古松歌

人言松有節不見節如松間渠老葉終年翠何似妖  
花三日紅人言松節勁不知松氣融元和暢生意華  
茂春葱葱和流則不强苦節亦道窮王夫子和氣滿  
胸中守道百鍊之青銅畫史頗善喻爲君寫古松予



亦為君歌古松古松歌君奈何

樂孺歌

吾鄉奚氏昆弟汝承篤于友恭人倫攸厚予題其堂曰樂孺取詩兄第既具和樂且孺之云也復為作歌

渚鴻不侶鷺聯翩入紫雲有時下同宿終然不離群  
磊落千金馬貢作萬乘車雙雙翼飛龍齊秣亦齊驅  
馳翔有美世共珍列之天閑織其文叶以章有德勸  
百臣蒼鷹雖鷙豺狼猛安得稱重於其倫閭門今古  
道繁華歌鍾日夕沸如麻東鄰宴公子西舍酣倡娃  
誰人堂上題樂孺中有二士為奚家先人應能積為  
善天錫一雙白璧皆無瑕伯兮友仲兮悌棠華韡韡

風光媚架有互服衣榻有共覆被入室諧蘭香出門  
借遠志仗劍作長遊千里萬里亦同次番禺城下我  
逢之三人相携共一醉醉中尚能為爾歌歌此敬多  
感亦多吳中土風清且嘉今如君者有幾何君家伯  
祖我祖高弟子文名風節猶差我乃知仁人有後世  
濟美看爾富壽方來百福如山河

孟玉礪畫瓜

溧陽夜燕來仲虛狄冲示我玉礪畫瓜圖媯綿生意  
好手筆燈前摸索聊為娛爾日南至氣轉紆我心之  
喜君知無黃臺離離幾抱蔓野田倘有青門夫焉知

大猷方包杞含章墮天天下理天地相逢與子起品  
物或章自此始

題徵明寫贈潘崇禮灌木寒泉大幅

具區之水被三州洞庭之樹千萬數沉森浩漭天下  
奇灌木寒流此何許潘君抱朴山水人日日策杖獨  
行■徧滄浪之濱陽崖衆目悅暄媚忽逢陰壑如有  
神禹鎖老龍鐵索絕擎雲怒雨出洞穴木號水呼竹  
石裂衆蛇從之互盤結蛻骨成削雜鱗鬣颺留風葉  
柯株縻急流桴撞石罅躍珠跳汞走鬪澆澗微茫上  
析河漢注奔赴繞伯若方丈脚山鬼伏窺木客泣欲

據恐被山伯扶仙老時下憇濯足而晞髮招潘君兮  
子來共千歲以一息潘君歸語衡山氏仙之人兮不  
可以久留吾恐一往與境俱失宣州兔肩毛勁如石  
深醮金壺玄玉液閉門夜半役鬼工倏忽移來窅無  
迹支山謂潘君張君高堂白粉壁焚香日坐對明月  
之夜風雨夕仙伯謂我當來覓携君卷圖願寫照障  
入懷袖與君騎龍返無極餘影終非世中物謝絕賓  
客扃此室門外有人勿與識

卧病懷勉之

郊原行中春風顛閉門縮脚七日眠惟懷落落五岳

客仰頭抱膝作何物堯舜殂落文王沒仲尼寂寞書  
在壁山川結陰草木僵馳今騁古皆未得携君璠璣  
之樂來黃金香爐紫玉杯燒沉蕪蕙降古傑共聽君  
手奔風雷頽然一醉萬事開

東園梅花白雪深大隄楊柳漸垂金欲往攀之烟霧  
陰美人觀道坐空林洪厓舉觴江妃斟素女鼓瑟容  
成吟我獨棲遲卧蘿

閭門歌送郭

雞鳴角烏烏閭門將啓塗船頭卒徒擁屋底翁媪呼

呼將兒孫起來送郭大夫大夫強汝柔大夫明汝愚  
大夫飽汝飢大夫康汝痛教汝興禮節教汝誦詩書  
大夫舍汝去汝能不思乎君子悅其文細人念其劬  
說向君子道能歌歌大夫閭門開百姓懷雲帆指金  
臺 天王御寓萬國來萬國來仰 帝力王道蕩蕩  
平康正直 天子豈不思思哉建皇極皇極建若三  
五大夫忠良伍志豈在朝暮清風穆如去者慰存者  
懷穆如清風懷其存慰其去穆如吉甫以永今古

首夏山中行吟

梅子青梅子黃菜肥麥熟養蠶忙山僧過嶺看茶老

村女當爐煮酒香

夢與表弟王制彛卿表甥陳鰲子魚散步河

曲鰲邀飲其室覺而賦之寫似二子

三人連袂閭闔行二少年第一老兄

一為舅甥姑逐便言之要是標

語莫言蒹葭倚高樹芳菲潤映蒼枝榮魚也有酒旨

且多爨也起舞我也歌涓陽棠杖聲相和明日可如

今日何

懷星堂全集卷六

近體

悲秋 三首

長洲祝允明著

年年吟嘆到悲秋心語因循竟未酬日似寶珠容易  
擲道如滄海等閒求愛憎袞袞風千變今古茫茫貉  
一丘老子自憐深興近誰將雙眼上南樓

荏苒來鴻去燕期騷人切切有相宜漢宮新調初翻  
葉素女哀音半破絲欲賦心懷無那意少咨時事未  
能癡長風短雨時時過為暑為涼不可知

野老今年齊騎省不從今日見毛斑行過日月知多

暇坐愛星河不可攀俯仰隨時看物易尋常談事到  
身難登登兩屐江南閣蒿目西風望子山

秋宵不能寐

官街徹夜鼓聲悲萬古渾無至靜期百事生來酒醒  
處七情傷向夢回時紅顏交代將人誤青史升沉與  
世移獨起挑燈映窓坐秋光月色共參差

丹陽曉發

京邑到來熟曉行如赴家月明人渡水星散樹驚鴉  
燈影依依店茶聲遠遠車蕭騷兩秋鬢無處定生涯

旅情

旅食慙工部分携念孟光歲時臨俎豆風露警衣裳  
滿月當春面明霞見晚粧情懷宜自遣看是買臣鄉

江行二首

渡口人爭發出江舟已微鐘聲離岸小帆影逐星稀  
朔雁連雲度寒潮伴月歸蒼然山一帶隱隱伏長圍  
丹陽連北固千里草萋萋東去水逾急北來身漸低  
漁舟長宿火客枕厭聞鷄風景年年是因無妙句題

長途

長途只是水連天好景惟應月帶烟獨有流鶯與飛  
絮見來渾似綠窓前

看月懷內

看他夫孺作嬌稱擬向君王覓與卿想得夜深刀尺  
罷推簾獨自下階行

答錢二

病喉少日兼辭酒養性經年不看花君問情懷看此  
紙新詩字字學唐家

代東園梅見嘲

祝家園裏一株梅舊是三郎手自栽今歲寒花開欲  
盡三郎何處不歸來

燕京陌上遊妓

相逢無路避青蛾十五燕姬細馬馱老眼年來觀道  
熟妖嬈知柰石腸何

京館聞鶯

天風吹出掖垣聲瀏亮緜山午夜笙錯認闔門折楊  
柳一時飛夢滿江城

宮詞

非謫非真是甚仙紫雲橫截大羅天依稀記得人間  
事十四封紗二十年

詠都城賃騎驢馬

紫陌東西苦不禁朱門飽秣卧花陰知君未是登臺

骨休道昭王不掛金

自末春入初夏歸舟即事

徃徃花移色交交鳥換鳴雲將京國遠水別衛河清  
高嘯迎風轉低眠看樹行殷勤吳郡酒還得此時情

沿潞河直達淮潯岸柳蔚然

瓊瓏翠玉芳陰茂窈窕姪娥婉態多不是一行千萬  
个荒天寥落奈情何

黃樓

落日照徐彭長隄上下乘黃樓不知處洪水尚襄陵  
客子能懷警官亭試一馮波濤終古險來徃自相仍

盧溝橋

四海修梁祗有二盧溝雄冠帝城邊下臨窅窅疑無  
地上接茫茫恐是天紫蜺平飛通碧漢白龍橫卧破  
蒼烟牛車百兩春雷過愁壓幽燕地軸偏

法駕

蔚藍天上鬱蕭臺五色雲旌雉尾開法駕幾多牛馬  
走不容凡世一夫來

卧病

同人相見總相稱一級名階只未登此事苦難多著  
力拙夫甘道實無能鑪邊豈有昇天客榻上分明坐

夏僧一片商顏半江水儘堪黃綺與莊陵

宮詞

黃屋巍巍坐九天烟雲千疊蔽嬋娟  
流鶯回首宮墻遠妾負紅顏二十年

兒子續入對大廷感激因  
先公磊落傳臚處老父迂遲失馬中  
未必遠尋鼃董策青箱猶可獻重瞳

兒子召試館職

黃紙書名已異恩玉堂觀藝復何論  
持將宣室當前席幸有丹衷世世存

兒子召試後示竊收錄遂蒙

欽改庶吉士

留學翰林

文帝弘謨遠明王懋舉初望應非曲  
學功欲得真儒給膳攄文思休朝讀秘書  
養成台輔地嗟爾意何如

舟中憶續

功名爾已誇雛鳳情愛吾猶媿老牛  
悵望燕山雲海隔曉風吹夢過滄州

追和皮陸夏景冲澹偶然作

綠漫衡臯帶茂林林亭遙對接踈襟  
江涵竹影鋪豐



席雨浥梅蒸溽素琴檻水生漪浮澹爽棟雲團蓋落  
虛陰人間最是難消此未解塵名誤道心

閒居秋日

逃暑因能薨閉關未湏多把古賢攀并拋杯勺方爲  
懶少事篇章恐礙閒風墮一庭鄰寺葉雲開半面隔  
城山浮生只說潛居易隱比求名事更艱

婁江舟中述夢續事狀

相慰華堂下重逢草野中塗鴉猶習幼策馬拯塗窮  
恩愛千年定精誠一刻通直能呼共老天壤有移忠

壬申閏五廿六曉紀懷

原曷空聞有鳳姿仲謀聊可道佳兒病身日對干戈  
卧別淚時看尺素垂半夜鷄聲猶慷慨平生驥足竟  
驅馳無因便把漁竿去羞向斜陽弄鬢絲

絕句

白眼青天萬里心門前世事正浮沉日斜睡起無聊  
甚獨倚闌干看樹陰

淚二首 壬申夏作

昔誦江東詠淚詩看來別有一般時孤衾獨枕斑斑  
處半屬吾親半屬兒

魯國潛然可奈何洛陽年少更能多靜中怕似姦和

婦換作臨風兩韻歌

壬申夏夜不寐

冷暖光陰不盡來  
流年五十豈徘徊  
半窓明月三更後  
起步中庭幾百迴

醉

斷酒二年偶復一醉爲此壬申季夏十七日也

醉來中歲裏那復有童心  
祇覺忘人我何爲更古今  
山河秋兀兀星露夜悄悄  
惆悵惟陶阮懸知磊砢襟

苦憶

苦憶京華更不禁  
百壺那解一生心  
爭誇膝下簪纓好  
豈識癡翁別有襟

對酒

對酒無歌舞看天只詠詩  
唐賢文滿案半是亂離詞  
山

深塢高峰處處寬  
尋常歌嘯等閒看  
城門欲閉無船渡  
却笑今朝要入難

詠牀頭劍

三尺青萍百鍊鋒  
流年三十未開封  
藜牀且作書生枕  
只恐中宵躍卧龍

早春江行

五十六年行役身  
又漂萍葉及初春  
相燈向壁吟殘

句江雨敲窓夢故人鶯轉上林空倚醉月生南浦幾  
傷神還家想得兒童笑毛髮蒼浪綠綬新

乙亥五月五日王僉憲文明邀宴廬陵螺川

驛樓觀競渡

提刑玉節照清江客子遊觀喜大邦夾岸魚龍爭得  
水謂競渡舟中流笳鼓雜飛淙國謀幸駐檐帷問鄉思微  
從俎豆降欲待梅花開後寄只應遷轉忽移幢

縣齋早起

縣小才疎政未成披衣衝瘴聽鷄鳴向來嘯傲知多  
暇老去驅馳敢自寧有物解將王路塞何人填得宦

途平拙謀果是因微祿好傍吳田晏起耕

縣齋

縣齋孤坐暫澄懷未覺飛光兩矢催夜雨鄉關歸夢  
久夕陽門院壯心迴非因做吏偏違俗且喜微邦稱  
不才坐起忽驚詩景入西南山色隔城來

歸與

炎洲閉戶賦歸與縣尹何妨委巷居奪祿浪言耕有

代予丙子冬暮入廣上司以拙於催科秋稅後期停給俸米文移在縣而予身在廣也旅行誰

信出無車空慙河上深藏賈却笑關門強著書莫道  
文章誤公事文章今誤復何如

循州春雨

物候逢春好春來悶轉深山城十日雨家國百年心  
海吹饒生冷蠻雲易結陰循州本謫地何待此愁吟

戲作口號

道惠何曾惠言寧又不寧一春眠裏過三日水中行  
坡老荔猶澀陶公酒未成哥哥渾不顧枉費萬千聲

方吟適聆子規遂為結句

廣州戲題

生世投閒四十年瘴江班頂試鳴絃今朝也是為官  
日白日青天閉戶眠

丙子重九戲題

行年五十壯游腸幾把他鄉作故鄉萬里一身南海  
畔客窓獨看雨重陽

題廣州客邸壁間 二月望

故國閒居四十年疎慵雖樂怕違天天應尚念疎慵  
態又使閒居瘴海邊

戲為口號 四月三日苦竹派道中

遠人羈客古今悲昔日慵看惜別詩六口一家分五  
處爭教不作斷腸詞

廣州別表弟趙二

海邊三載試琴才省問煩君兩度來天濶風鵬嗟轉  
徙秋深霜雁獨飛回計程驛路過江權屬買漁簑掛  
釣臺別酒多傾也能醉歡情不似故園杯

又

江沱已喜干戈定吳越猶聞稻蟹肥把酒正看黃菊  
好凝眸無奈白雲飛鄉閭訊遺情親減中外聯行爾  
我稀幸為經營石湖畔秣田三畝一苔磯

巳卯春日偶作韓致光體

亡羊何日返初岐失馬由來未用悲靈藥不消心底  
火世情猶惡夢中棋三年紫陌長虛屐一紐銅章只

礙詩好景好將閒領取淡烟明月兩參差

庚辰二月廿七日曉官宦舟中口號

世棋年矢兩相催絕嶺春深與雁回無限曾中未酬  
事蓬牕燈枕酒醒來

危機

世途開步卽危機魚解深潛鳥解飛欲免虞羅惟一  
字靈方千首不如歸

夜歸

雨洗秋光萬井明風高雲破月微生還家莫道長酣  
寢纔聽鷄聲又出行

看山

嶺海看山旅思空歸來還入畫圖中平生愜性仍知已只有青山處處同

冒冷行役

誰使衰年冒冷行幾般辛苦幾般情重重樓閣深深閉家隔東南四座城

宦游句曲偶讀丘殿丞寄茅山道友詩有感

遂次其韻

珠有餘妍玉有輝鷄栖鶴馭本相違靈飛碧檢文難讀想結金堂夢易歸頗恨殿丞虛左契終憐長史入

仙機懸知紫陌埋塵骨綠草茸深白鹿肥

句曲道中

老至誰憐畫錦明春來聊得客襟清宵依星斗宮壇卧曉入神仙宅舍行眼看山多城郭少肩挑詩重簿書輕何時總入烟霞去不見人間寵辱驚

傷

三年兩度哭亡兒莫怪衰翁賦犢癡誰使為生便為死可堪成喜亦成悲青蛾怨積蘭枝夢黃壤能酬瓜瓞期等是人間慈孝事

次韻表弟蔣燁及門生翁敏見贈喜予歸田

之作四首

中條不改舊王官猶喜書淫共士安漢女紅顏非自  
誤阮公白眼向誰看農人問稼教多秫道士裁筠贈  
作冠日喜車來皆長者祇應姻舊倍添懽  
荷鉏欣種淵明田坦腹還如懶孝先登山自蠟平生  
屐載酒時過遠近船焉知魚鳥升沉性齊得椿菌小  
大年却笑人開心尚在欲將青史訂愚賢  
忙是揮毫靜奕棋雕闌日轉夢回遲時從王右軍臨  
帖戲學張京兆畫眉傍水近開三益逕停雲徐詠四  
愁詩新來最滿平生意樓上看山獨坐時

高眠不怕喚當關一月華胥游未還意在可兼  
處身居材與不材間瓊敷玉藻六七子金雀雅頭十  
二鬟愧有金陵無李白棲霞即是虎丘山

口號三首

枝山老子鬢蒼浪萬事遺來剩得狂從此日和先友  
對十年漢晉十年唐

不裳不袂不梳頭百遍迴廊獨步遊步到中庭仰天  
卧便如魚子轉瀛州

蓬頭赤脚勘書忙頂不籠巾腿不裳日日飲醇聊弄  
婦登牀步入大槐鄉

卧病

執掌思將適野情偶緣風火便相嬰懸知智鄙同為  
虐且喜閒忙總不行服餌轉令諳物性靜思因得檢  
平生醫經士典都餘策一卷南華萬物平

無題

亭角樓牕取次憑東風不送笑歌聲山村水郭城西  
路却放朝雲此處行

病卧北牖仰見飛鳶戾天忽然口占

海國秋炎紫漢空一聲深入太霄中回看五嶽三山  
近略望千流萬壑通未必綵鸞能瑞世可憐黃鵠不

離籠因思堯率黃金地金翅擎波護鷲宮

寶夢

牕外星河五鼓天香凝紙帳裏雲眠遙尋鶴夢游塵  
外却怪鷄聲到枕前拱壁光陰悲此日懷珠奔走笑  
當年知音總沒惟懷古卷裏相看共默然

衰病

半年衰病入秋深減却肌膚長道心不省門前猶市  
井忽瞻墻外是祇林一端惟靜為甘味萬緒都忘遂  
苦吟

缺

病間



病間身懶趣偏長  
書策縱橫擲滿牀  
醫業探尋勝士  
業閨房清寂似禪房  
青春總誤今何及  
白晝長間夢始忙  
此境何留終歲月  
豈須重覓引年方  
漢室咸陽建山河  
百二開甘泉芝草出  
天馬大宛來  
宣室宵衣問長陽  
獻賦困寧知天祿閣  
不用子雲才  
出巷少人烟  
林霏四望懸冷光  
涵曲徑沉綠漾  
平漣古寺依文殿  
高城瞰野田  
每經思版築  
忘世更懷賢  
宿金山寺

窓中一抹海門焦  
珠貝魚龍共此宵  
枕得善財參後  
石洗來天漢轉  
時潮神遊會解靈  
妃珮耳靜能傳少  
女簫況是梵王宮  
闕裏蓮花葉上  
整道遙

夏日遊慈雲寺

命壽乘暇日散步入慈雲  
野氣能遙接秋光自獨存  
小山侵竹尾細水護松根  
衆果都連苑繁花雜植園  
廢興徵老衲文字哭孤孫  
朗僧出先公畫題誦之泫然  
卻幸重來好禪牀許北軒

舟過故表伯父王氏宅前有感

輕舟獨汎午時風  
車馬當年一日空  
綠水青門映紅

樹一時都入感傷中

秋晚由震澤松陵入嘉禾道中作二首

晚發西南郭秋深雨氣偏人家低似岸湖水大於天  
日崦峩如閣風檣不用牽辭燕還入越纔費半流年  
湖尾橫波急船頭轉港頻幾家危傍水一木老存身  
黃菊看如客青山坐送人空舟隨處泊不用擇行隣

泊嘉善東橋

石梁碯水浸秋寒一夜霜逢寄釣竿是處風光解題  
品江湖莫作旅人看

途中即景

地迴景逾勝數程無市人隔離花晚腴臨水樹精神  
村犬隨船吠沙禽見客親漸看明月上夕韻想更新

即景復為七言兩韻

臨水樹如朋合志隔離花似女懷春護門村犬還驚  
客親棹沙禽忽訝人

錢唐玄妙道院夜賦

枕席錢唐館更時未北還每當身作客轉覺意能閒  
雨氣橫秋海潮聲入夜山道人看默坐應笑鬢輕斑

山牕晝睡

身在雲房夢亦閒松頭鶴影枕屏間一聲隔谷鳴華

雉信手推牕滿眼山  
晚止吳山風雨驟至

東望海門門忽開  
松風十月滾輕雷  
山眉一點雲拖  
黑知是龍皇送雨來

赴報國院海會喜候二瑤葛大懌同集

隔水應霜鐘尋聲入寶宮  
那依談慧六萬繞神通  
歡喜來侯白清真遇葛洪  
獨慚文字累未得此緣空

追賦內相吳公邀往書石山中雜題

上宰邀書入睿製篇幸從九席  
向林泉晨陪松露翻  
間語夜傍賢星聚處  
眠斲拂古風嗟故里喜逢佳衲

過山前兒童日夾先公  
膝說向當時屢泫然

雨中句容道中喜看山色

洗秋零雨向蕭神京邑  
風光斬地新馬上會淹京兆  
客天涯忽見芡蘿人  
輕雲淡蕩鉛華薄  
初日曛曛寶鏡真  
便欲涉江嗟未得芙蓉  
猶自隔青蘋

寓黃輕車宅雨夜禁直歸因戲贈

黃昏冷雨濕金鞍  
鞵箠提巡繞禁鑿  
星散羽林霜氣  
肅天臨華蓋  
夜光寒鄂君去後  
衾猶薄京兆歸來  
黛已殘知有游人  
卧齋閣一般飛夢  
出長安

與沈二少剛秋寓建業山院夜話

倦迹憐司馬清風遇隱侯鄉關不堪問文酒且須酬  
水壓吳王國山橫建邺秋高臺仍可喜重見鳳凰遊  
蕭天朗嘲客舍山脚井去對余餘亦亦水澗來魚  
脚帶渾泥氣帶腥幾家同汲競罍瓶寒泉只在前山  
裏笑殺居人總不醒

幽州歲殘木外芙蓉醉自開  
冠天袖海舜幽州風候蕭森氣朔道雙闕日移仙仗  
散六街塵滾晚衙休馬周卧旅猶觀國王粲懷鄉獨  
賦樓未得邊關擒虎豹還思江海弄鳧鷗

暮春山行

小艇出橫塘西山曉氣蒼水車辛苦婦山驕治遊郎  
麥響家家碓茶近處處筐吳中好風景最好是農桑

萬安道中

歷歷長亭過眼頻浮家一舸日隨身江山不苦南征  
客星斗應憐北望人劍匣只依書裏住酒杯全亞藥  
爐親牀頭曆日閒拈看一歲無端半已陳

贛州

蕭瑟灘聲怒復幽四程猶未是炎州行人不解居人  
語章水相逢貢水流萋葉檳榔須學啖尊羹鹽豉向  
誰求英賢滿路容參謁珎重昌言日拜收

請來共上下灘

上灘若緣蟻下灘若馳駛移轉頃刻間便是人間事

庾嶺寄謝江西白大叅士珍宗憲副朝用二

同年

太原白居易南陽宗少文千年纔並出一日可離群  
契分秋風桂情親日暮雲江波二千里相逐送清芬

山人獻白鷗

草啄萍棲瘴海濱野人携得冝相分九還丹顆浮蒼  
頂一縷青霞斷白雲五服也知章有德百禽應是不  
同群縣齋相對悠然想烟水城西日易曛

思食豆腐

蹲鴟亦稱野人腸薯蕷還輸菽乳良轅金不聞流素  
汞堆槃無復截虹肪舊知學士能為贊今訝准王不  
遺方只恐南山歸去後苗稀未得快新嘗

失白鷗

何處青冥會一冲短翎應近井廬中來時想見銀塘  
靜去後休嗟蕙帳空自笑無魚難久館誰言有鵠不  
如籠歸心一夜秋來月吳水吳山幾萬里

夏日城南郊行

古縣周遭景物環政雖多暇倦躋攀偶因送客乘時

出卻得浮生半日閒  
頻過水邊仍有竹  
忽當林斷遠逢山  
但教到處情如此  
瘴海無妨緩緩還

遊和山麻石巖吳木吳山  
山和人亦和乘暇集  
鳴珂陟嶺美未得到  
巖竒轉多交枝樹礙  
馬一步地旋螺成屋  
自麻石作門惟碧蘿  
瞻天隔鳥道入地學  
蜂窠樹向頂上植泉  
從肩畔過禽蟲馮几  
住雲靄入衣摩佛座  
泥三級僧牀石四阿  
西臨野廣漠東眺徑  
陂陀遠吹潛生爽驕  
陽暫息苛禱祈情敬  
謹樂業舞婆娑物穰  
用亦儉地危心不頗  
民風都似此吾為爾  
陳歌

北郊訪友

風物幽妍上郭寬  
訪朋因得一迴看  
家家黃土墻三尺  
處處清渠竹數竿  
欲雨欲晴雲半密  
如秋如夏汗微乾  
苦吟應得山人句  
却笑籠頭少鶻冠

過林頭看修竹數里不斷甚愛戲題

五寸衝牙丈八矛  
裝成十萬繞林頭  
莫欺楮子與寧縣  
一半人家千戶侯

和王太學見贈四首

水鑑求才事自公  
徒令寂寂笑英雄  
山齋一枕淵明夢  
開眼猶慚七里封

道拙才空志不成，錯將言語占時名。  
無端拋却山林樂，換得軒裳底事榮。  
草廬藏得卧龍才，許我英雄亦異哉。  
剛道同心金可斷，江南便是海南琛。  
三載相看有別離，春鴻秋燕不同時。  
我尋松菊去方急，君會風雲行莫遲。

登越王臺

環城三面碧波圍，今古樓臺滿翠微。  
不見越王惟見佛，木綿花裏鷓鴣啼。

惠州西湖

西寺東城兩幅圖，長虹脊畔小浮屠。  
杭州惠郡都遊遍，醉眼時將作石湖。  
石湖蘇之西湖也

莆田鄭自修宰河源故，厚予四月三日舟過

市，縣城君以註誤不在予，亦以文法行一時

風雨大作，小泊沙口而去，悵然懷君，口占

一詩，期後寄之。

河源西郭夕陽過，不見美人將柰何。  
雷壓船頭蓬底坐，一時風雨亂風波。

三月初峽山道中

春陰春雨復春風，重疊山光濕翠濛。  
一段江南好圖

畫不堪人在旅途申  
庚辰正月歸至保昌館李君士元家適士元  
坐一却風車馬有行色廿四日解携各北南臨岐口  
梅花關下春雨深客送主人無限心鳳生南海莫言  
遠明日一飛歸上林

市汊阻風

十日踰千里二宵滯一隈旅情忙復緩歸棹去還來  
橫颿摧高木飛濤激迅雷坐看村市沒行路不須哀  
西寺東宿茅峰

下馬門前一振衣翠微高迥逼清微雲邊洞裏真人  
去月下山中長史歸丹伏砂牀金燄短木穿崖竇紫  
雲肥神方能詠不能遇一夜爽靈峰頂飛

登千佛院塔

八面青紅倚碧天窓中列坐萬金仙排雲欲挽三茅  
袂拊檻慚升八部肩盡訝入簷竒影倒應知出世法  
門偏詩題漫道遊觀勝只得塵勞一飯緣

高淳道中

柴門對樹樹臨流春日遲遲滿客舟一種江南千里  
景只聞鷄犬不聞鷗



經舊遊

當壚一啜手煎茶  
迎客桃花戶外斜  
聞得博陵崔護  
道不知今日是誰家

詠公館花木

句曲醪溲水  
桃溲陽孤栢  
倚風高家園  
幾樹桑和柳  
何事令人夢想勞

未足句

却恨風光同萬里  
眼看百里不能歸

又

憂國天高惟有夢  
思家懷近不能歸

與句曲李令徐博士等夜飲

洞天福地神仙縣  
宣化承流父母官  
自笑樊籠猶閉  
鷓却憐山樹亦棲鸞  
緋英炫幄春方爛  
紅蠟搖觴酒  
快乾未必嘯歌妨  
杼軸風埃浩浩  
斲清歡

贈江秀才

三日芳蘭入座薰  
欲將心事為論文  
仙囊古玉餐無  
訣  
官市新醅飲便醺  
已羨雄飛難久伏  
每嗟同調易  
離群茅峰蔣阜無  
多地未擬相思詠  
碧雲

宿攝山棲霞寺

寒林日暮息車徒  
却得南朝最勝區  
廿載不登禪子

榻一宵權作佛家奴齊梁寂寞名猶是儒釋紛紜念  
已無最是宦心能敗道羞將束帶問衣珠

又

泉洞迷藏草沒梯倚巖千佛坐高低疊襟山色周廻  
峭隔樹江聲隱暎齊宋刻梁文江令筆龍蟠龜戴上  
元題棲霞只是枯禪宅爾許頭顱向裏棲

又

枕上紅塵白晝深眼開欲得息勞心燈花暗入僧牀  
冷山閣馮江萬木林

出湖見山

長湖方出口一帶橫青山行處必如此何云出世間  
當塗歷陽溧水界中數還往遂懷李翰林  
青山歷歷樹蒼蒼遠水長天幾夕陽千載更無仙謫  
下只應愁殺賀知章

舟行守風阻險輒睡酣適成詠

行役安危定心閒常自如每當驚灑瀕偏得訪華胥  
適逐墻頭蝶清涵水底魚覺來何以遣枕畔一堆書

謝楊大送梨花栽成

來自清修處士家草堂初就便增華雕欄月上添得  
影畫棟雲過分作花園吏引渠經細榦閨娥繞樹候

芳芽洗粧先覓催粧句凭閣巡看幾日斜

來自前謝呂禹平惠玉鞭粉團花

花開根至稍素朶附香條流蘇疊脂粉眉鈿簇瓊瑤  
不逐紫駟馬空依翠鬢翹予方理花事先聘汝無驕

中秋日燕客晚雨

中秋美景當吳苑十載佳期共此堂珠履高吟歡滿  
座金釵送酒看分行荆娥妬月俄行雨趙女停絃慢  
遶梁莫道西巖容易墮朱簾徐捲爛銀光

十六夜召集

廣寒昨夜不曾開今夕佳期已報來且向草堂杯舉

待人間紅粉會相催

為唐子畏索劍

昔年承唐子惠愛曾以雙劍贈答其意別來恒念之其一鏤青萍二文者尤憶間以一章問之或言假抑更惠乎

手解青萍昔贈君仗來多少截妖氛知君道就

後把與東人割白雲

簡趙西臺

寬二首

滿月澄寒鏡清霜滌素琴獨携車後雨去潤豫章林  
死恨錢唐水悠悠只向東雁飛雖不北連日有南風

過鄭六

升不遇

欲作春風上國遊尋君東海話離憂烟波自剪西牕

燭絲管醉眠何處樓五夜不逢黃憲面百壺那解長  
卿愁平生國士青君眼老矣猶能一笑酬

送顧司封華玉守開封

皇輿百郡首開封良牧分符開治功參庭屬吏衣冠  
滿繞郭編人耒耜豐河山郊鄆千秋固雲雨乾坤萬  
物同懸知政化平如水共看漢室美吳公

戲為朱民部索壘

蘇公屢欲傳冰壺此味能參自信吾為語版曹朱學  
士客厨爭柰併錐無

留別趙上舍元璧

歸騎聊乘一日閒夕陽移座未能還西風明日丹陽  
道回首鷄鳴雪滿山

吳文定公挽歌詞三首第三首進退韻

鼎軸參黃閣階符坼紫垣位遷如始筮人慕過生存  
一德天猶格三朝國共尊君臣兩無負元烈荷  
厖恩

執紼椒塗遠前驅鳳翥還君臣同國運忠愛滿人  
間速奪山河繫幽情水竹閒吾曹惟淑艾抱籍哭顏  
山

吾祖懸車日知公釋褐初遂深魚水分亦有兔蘿圖

笑語兒童際衣冠夢寐餘淒涼天下德忍謂及門徒

贈翁隱居

吳郡翁高士森森君子儒風標抗軒冕禮樂在江湖  
松露濡談麈匏尊盡酒壺却嫌城市隔欲別重踟躕

荅日本使

姓橘名省佐  
相國寺僧

日邊來處幾何時聞說占中復到寅海船行憑指南  
鍼日本本在寅

由南折西指申却迴還近  
寅乃中國濱寅讀若夷遙仰北辰趨帝座卻經南

甸駐行麾詩名愧動雞林客禪諦欣參鷲嶺師回首

山川渾渺邈只看明月慰相思

六卷終

懷星堂全集卷七

近體

簡伊愈憲

長洲祝允明著

七朝熙洽世臣家班序丘樊勢並華忠孝到君傳不  
匱韞沾如玉總無瑕園同凍水青山下扉掩閭門小  
曲斜老去高情澹如水著書觀物是生涯

西臺伊公枉和贈篇至于再三重次呈答

東野猶居郭外家閉門高枕歎年華秦人不敢窺下  
木楚事休教誤屈瑕暑氣轉嫌秋候瀑樹陰偏受日  
光斜駑駘過辱千金許慚愧酬知未有涯

與吳大用飲酒

世事浮雲幾變更，鄰居長聽鳥嚶嚶。  
細編俯仰閒吟，古青眼摩挲老弟兄。  
樹下送關高嘯飲，水邊聯袂細吟行。  
曾中三十年來氣，終不銷沉負友生。

贈孫山人一元

自稱吟嘯仙

思邈先生不可尋，紫麟騎下閱風岑。  
宵眠華嶽星支枕，曉度關河月滿襟。  
驚鶴夢殘飄露葉，哀猿腸斷抱霜林。  
秦臺故有吹簫侶，一片宮商萬古心。

贈俞隱君

水南雄市萬塵趨，水北還容陋巷居。  
三尺素桐陶靖節，百篇華賦馬相如。  
心拋世俗爭為事，手錄時賢未見書。  
欲繼姓名高士傳，怕君嫌我近睢盱。

寄謝雍

謝家蘭樹有清芬，每誦澄江却憶君。  
想得山莊長夏裏，石牀眠看紫墻雲。

贈朱孝廉

性甫

百年貞白舊高樓，傲兀風埃六十秋。  
楚聘尋常來北郭，魯呼前後只東丘。  
書抄滿篋皆親手，詩草隨身半在舟。  
前輩風流惟此老，天公多為後生留。

方吳二子償金之什

讀罷償金記直疑無此人唐君解言語高義不成塵  
孤墅倚高原扁舟晚到門琴聲虛草閣月色滿江村  
霜落魚鰕出烟收花竹繁不須燈下坐臨水好開尊

艇子

江南小艇子能住亦能詩梁柱無階砌門窗即枕帷  
坐流看樹過行屋逐風移試欲作舟史半生居在斯

題龍歸洞下有龍母嶂

千峯如帳瞰巖扉靈物何年向此飛潭底火符玄鐵  
簡嶂頭金丹白絹衣海多雲雨應長往壑暗藤蘿久

不歸洞外蛟蛇常起陸可能消伏運神機

季冬朔旦汝德周學二秀才過訪病禁飲不

能留別去悵然竟日燭下得句明日寄之

相思旬日忽相逢不是忙中是病中玉塵謾誇談柄  
在朱顏應笑酒杯空憐君濟濟冲霄鵠顧我垂垂失  
路鴻吾道若行千載合不須重歎馬牛風

上元日喜晴東董博士及諸秀才

三月恒陰待此晴燈輝晨暎日華明便趨東郭朝龍  
馭又向賓筵聽鹿鳴簫鼓兒童聊祝歲

上元張燈事起於漢祠太

乙今俗借燈為登以犁鉏父老喜深耕雲師雨伯休

為祝豐年之兆耳

重惱欲共溫泉被袂行  
曉又向神光山  
山郭西南五里強翰林  
畱得讀書堂  
漫漫古岫雲烟  
薄寂寂間坡草樹荒  
數點遠村鈎望目  
一間空殿鎖斜陽  
山靈我為鄉人問  
會許何年更有光

贈王希賢秀才

緇衣耿耿此心長  
青眼隨人到異鄉  
海外不須誇馬腦  
人間誰解識虹肪  
也知老桂為仙樹  
豈有幽蘭減國香  
奮翅雲霄應不遠  
相知獨愧早稱揚

謁張文獻公祠

丞相祠堂曲水涯  
祠邊仍是相公家  
千秋若解收金鏡  
萬里何緣枉翠華  
門外犧牲兼絮酒  
嶺頭松樹夾梅花  
人間不乏牛仙客  
長攬遺編費歎嗟

峽山寺

靈區苦不到到亦苦  
詩難景象絕聞見  
怪神如等閒地將海  
作帶天借山為關  
今日却堪恨綠林  
棲近間

潮州韓文公廟

一世北斗望千秋  
南海濱文章傳絕聖  
政事澤時人姓作兒  
童字心將動植馴佛  
靈能有禍終不下  
臣身次韻奉和方伯  
湯公廻鑿志喜之什



五雲遙捧翠華歸北極芒寒萬象依夷夏巖巖分地  
險金湯面面自天圍聖圖六馬知能馭永命三靈未  
待祈嶺海小臣從國老中宵魏闕夢魂飛

傳聞郊祀後大駕尋復出符疑信未得因

窮海歡傳八駿歸仍聞消息語依依要荒豈必勞重

幸帝命今方式九圍禹服正須垂拱治堯年何用

築宮祈明裡眷答皇靈切長使鈎陳護六飛

奉和顧憲副梧州謁都憲韓公祠堂

拔地洪材構帝家倚天雄畧眇蟲沙誠歸魏闕心懸

石血飲匈奴膽破瓜半夜崑崙樞密宴三言苴意伏

波車當時利口今何在老樹閔祠日又斜

夢故知

氣涵珍玉語良金不論窮通話盡心枕上一時南北

海半窓梅影月陰陰

謝湯文守惠地黃煎

會將雲縷換霜華一七玄瓊入紫霞他日天台莫輕

住要携徐甲到流沙

夢故人

今古悠悠老客心酬知何必接蘭襟爭憐寂寞盧生

枕還恐淒涼子敬琴吳苑此中非舊社越江南去是  
缺林紙窓禿筆聊成賦風弄清燈夜點沈

元和愛結過深晤言之餘復投長句思予和  
會泯寒女乃就二章意局情饒聊復爾爾可莫憐  
枝山磊落倚東山雪檜霜松許共攀文字虛名今且  
愧疎慵物議古來艱平生肺腑篇章內身外金蘭夢  
寐間萬卷舊書千石酒兩人相對白頭閑

東園訪梅已謝

故里閒居憶美人開軒延佇御周輪兼旬病起殷勤  
採玉鈿飄零徧委塵

愍時

巡遊方罷亂離平豈謂凶饑歲二更桂玉斷來錢貨  
廢糟糠空後析骸爭焉知卜史言天道盡望仁人輔  
聖明三戶可憐瘡痍在欲憑開鑿了餘生  
寄吉安太守徐士元同年

梅關歸路拜車塵閣皂書來語意勤始信凌雲江海  
客能懷閉戶薜蘿人酬知但有篇章舊名世爭看事  
業新玉版金棖無用迤澗藤崖刻不妨頻

中表甥陳鰲子魚久抱微疾懷之得句因寄  
俊鶴祥鸞陳子魚閭門樓閣事親居想因別墅聊行

藥却得雲窓漫校書俗駕向來虛下榻德星何日見  
牽車身為公子心為士便是公侯已復初新回因寄  
業條王足夢中句

遠公蓮作社陶令柳為門止酒用卿法攢眉吾不言  
白雲時或出黃菊故應存二老皆寂寞千秋誰共論

又

聖境不可到魂遊記渺綿花藏竹林院蓮號貝多編  
龍鳥如人禮山河繞法筵祗應身本幻此却是真緣  
哭周院判原已酉九月二十日賦是  
公還玄宅予以疾不能送  
雅道淒涼後何情當此悲斯人不易產中壽豈難期

鵬兆將無驗雞年竟莫支心曾周晚末目不瞑嚴慈  
地有顏淵代天無伯道知負公茲一餞西望涕洟垂

哭表弟蔣燾

白玉樓中長吉去芙蓉城裏石郎歸煌煌柱國平生  
念看到諸孫內外微

哭陸大參文量

四海銓書失老成兩朝閨籍尚遺榮達如子貢能

從政憂似希文最善兵幾度老貂新命奪公在職方  
累有大校

緣中人超擢公力兩宵幽鬼故冤平於潛民夫婦為  
人謀死神語婦

疏言遂收回成命文編諫草離離賦付與機雲續令聲  
魂今白于公婦  
遂甦詣公得復

哭王麟

賓館初違夢尚縻計音俄至欲成癡豈知十日輕談  
笑便作千年永別離雞絮未陳新總帳鳳雛空倚舊  
霜枝高風幾許堪傳事誰寫平生入墓碑

答史隨州

經

楚雲飛墨下烟蘿想見瀟湘又綠波刀劍已知成牒  
犢簿書何處問絃歌照人顏色春風近入夢江湖夜  
雨多寫就卜居馮問訊青袍今誤欲如何

訪華光祿

汝德

高堂此始登蘭韻久熏蒸榻定叨徐稚門今識李膺

傾瞻疑夜燭笑語泮春冰綠合沙頭草歸舟發未能

廣川城

辛未重五經過成水部留飲  
二鼓出城馬上作時有寇警

皎月浸嚴城蒼蒼百雉橫木梁懸絙下竹柝夾輦鳴  
水部從時飲山人入夜行因思趙公子封邑尚垂名

途中

二年四踏兩京塵何必臨岐更問津斜度羊車山頂  
路半欹皮笠雨中人氣驕白馬涵濡滿口過玄蟬嘯  
詠頻我有知心在城闕山陰雪駕頗相隣

故福建僉憲陳公

祚

直道祠五十韻

日月懸臣道乾坤闢 聖猷丹青開廟貌風烈見英

麻竇曆三光合鴻鈞一氣流哲人當上瑞畿服產南  
鏐靈派分媯汭洪條發太丘修文登石室射策步瀛  
洲藩府甸宣重河陽惠愛稠推丹置人腹囊阜達民  
憂豈謂虺孽帶仍從把鉉耨十年依大岳一日起西  
疇再屬金閨籍還乘繡使駟臣心知不貳帝德若爲  
酬柱砥千迴浪霜飛六月秋觸邪惟豸性批逆豈龍  
謀范進唐宗典蘇陳陸相籌緝熙光聖業取善在旁  
求大學存條目遺編可繹紬意誠緣物格心正乃身  
修利病非無實安危固有由願防多內慾乞斬佞人  
頭一疏朝封入三言文杼投桁楊來孟博貫索下鄴

侯耄稚爰書沒姬姜織室幽一家連廿口五載作孤  
囚白壁塵埃盡青陽造化周日華臨鳳辰天語出龍  
樓豈獨除羅網重教侍冕旒玉磨誰可磷金鍊轉難  
柔按轡抨藩國飛章速轉郵嘉謨應削滌雅志欲安  
劉天震雷霆怒霜號草木愁國書當極典臣節果何  
尤祇見義爲命不知生可偷吏持三尺法人哭一生  
休政化權衡準恩厖渤澥浮解維歸北闕遷秩按南  
州地肅山無警波恬海可遊狐叢斥魑魍雀角絕譁  
咻叔度來何暮淵明去莫留車懸桑梓重山隱桂枝  
樛箕尾星辰接龍蛇日月適英靈長宇宙聲節豈浮

漚主際唐虞聖恩非關此儔朝廷爲世計章典復  
公收懿德人惟好群公志並優學祠崇秩進營兆謹  
封修載覩專清廟時聞薦潔羞浚培知水木紹述美  
箕裘直道黃扉扁名篇文梓裒終天弘勸在王化  
正悠悠

題湯三城南莊子

嘉樹夾茅堂城南十畝莊竹窓遙列岫花淑密圍墻  
免捷且施路魚肥筍在梁每來無世事祇覺道心長

道院樓子

重簷雄拔小山幽妙景容居最上頭風掃六窓塵盡

去鶴乘三洞客來遊高原樹古長依殿畫棟雲飛  
礙樓怪底霓裙浮沆瀣綠章宵拜石壇秋

贈太倉汪使君

德風千里掩雄州爭解長刀換乳牛共羨漢家封卓  
茂且看夫子戲言游功名此去符龜印文彩朝來壓  
蜃樓最是野人懷惠切一塵今擬結滄洲

登太倉州中山子懷故襄陽李使君

州山昔始翔予幸作游賓豐碑備標紀幽賞悅心神  
茲來再登陟亦遇賢主人典州汪使君遊襄陽不可見峴

首淚盈巾

遊武將軍園亭

武君好人品園林亦不群幽迥妙水石妍蔚盛芳芬  
登眺一時盡道俗忽然分安得杜工部來賦何將軍

贈邢奎

襟懷灑灑氣飄飄遊逸名都歲月遙花暗燕臺春走  
馬月明淮浦夜吹簫華顛相對舊盟在笑口一開塵  
慮消更喜兒郎皆孝秀入厨甘旨足漁樵二子甚佳以漁村樵

山自稱故云耳

題衲子詩稿

得來應是嘔心肝磨破枯蒲幾箇團佛有語言唯說

性僧為文字不求官色離執務通身淨味帶齏腸一  
點酸我欲強賡三五首却憐無暇盡雕鑽

太傅王公欵月臺

青天洞蕩浮雲開東方月出臨高臺光流碧漢輪飛  
度影入湖波魄共來賢主嘉賓長會合同光共景且  
徘徊未詠韓公星没句聊從太白漫停杯

南洲詞

四首為盤門顧君梁賦

盤門向南起城裏百花洲洲邊隱客住道是顧虎頭  
朝向南洲行暮向南洲宿不釣亦不泛愛看南洲綠  
西風忽然起木落波粼粼水渾魚不定宵來愁殺人

春煙楊柳暗秋露芙蓉鮮慎莫生宿莽沙鷗不得眠

武帝傳

柞宮馮几畫成王淚落銅仙月似霜王母不來方朔死茂陵松栢自斜陽

將軍廟

瘦馬城西步夕曛祠堂翼翼護英氛下馬入門忙拜禮行人說是下將軍

鍾山

五岳崢嶸衛紫微萬方臣妾仰光輝勾陳上直天皇帝子闡峯頂日華迎鳳下洞中雲

滿待龍歸終天王氣都留此花木常新鳥獸肥

金陵眺古

綠謝平蕪野燒乾西風吹雨打長干盤龍去後金釵餉擒虎來時玉樹殘結綺閣中香燧歇景陽樓下水花寒秦人豈識千年後終古神州奠石磐

太湖

咸池五車直下注峨眉岱嶽潛相通乾坤上下浮元氣郡國周遭護渚宮巖穴會因仙跡幻魚龍不助霸圖雄擬把玄圭獻天子再看文命告神功

虎丘



循麓都來幾屐蹤異觀靈景正重重入門始見山和水  
汲澗愁驚虎與龍四面更無林作伴當頭又着塔  
為峯塵裾阜衲紛紛滿二竺終無一個逢  
一點紫泥封岱頂武丘雄拔闔閭城席前花雨天宮  
落檻外雲霏脚底生轂轆十尋抽玉液於菟千百逝  
金精無窮勝是王郎事吳越消亡幾戰爭

包山

影浸三州混太虛道通五嶽紐坤輿瑤壇白兔藏仙  
鼎寶洞蒼龍守禹書烟月剩將閒處媚風雷常與怒  
時俱漁郎个个不識字慚愧高吟莫解居

昆福寺

壞閣尚岩堯寒房繞寂寥木撐危殿角草出斷碑腰  
門鑰凝塵滅香爐火氣銷竟空惟佛觀亦自有榮彫  
白蓮寺

臺殿切層霄丹霞遠建標名傳白蓮妙年紀赤烏遙  
迤邐城連郭迴環水貫橋重來擬分榻塵慮未全消

崑山清真觀

疑分疑幻海中洲只恐人間無此謀殿影四圍浮碧  
泚鐘聲十里出丹樓仙人示象書仍在

玉皇閣扁  
呂純陽筆

道

士無鵝字少求至竟今宵為旅客幸來何事不微留  
寒塘帶州解幽趣似郊垌樹影倒浮綠天光平漾青  
石渠方似矩板屋小如舸相對只魚鳥濠梁同性靈  
嘉興以贈鄧駕部

十載襟期利斷金高山無固海無深忽看鳳闕城中  
會還似雞窓夢裏尋袖底雷飛雷煥劍壁間泉響伯  
牙琴休論鑿物知音事識取悠悠太古心

三月三日施侍御邀宴姚將軍莊宅即舊名

東郭草亭遺址三首

共傳修禊事相命出郊原花鳥何須眼栽培亦自村  
輓轡橫轉水畚鍤削成垣因看勞勞者懸知 聖主  
恩

日影迂龍轡春光溢鳳城繡衣乘暇出翠幃逐空行  
姑蔑金盤露郎邪石首羨簪纓雜巾褐莫遣野人驚  
駘蕩三春好陂陀五里遙篇章傳保傳故相三楊諸公有東郭草  
集地主識嫖姚壁上縣瑤軫空中度玉簫南塘無杜  
句深愧故人邀

金華見山亭

郡廨當空立林亭面爽開窓中列岫遠江上送青來

京兆眉長嫵陶公菊自栽安能乞勾漏把笏此徘徊  
與胡二遊海珠

人誇本奇境我恨近城闈四面盡江海一拳藏寶珍  
魚龍游檻砌舟楫換比鄰野馬不能到却多車蓋塵  
雨窓有懷連韋二博士

薄宦將三載高情有二君天涯漫萍梗雨下憶蘭熏  
四海習鑿齒千年楊子雲東隣無自室猶自歎離群  
戲簡連博士

為問礪松夫子來酒腸連日可曾開天炎地陋佳賓  
少眼底能無麴秀才

題杭州蔣自容江湖遊卷三首

越多多族又多才諸老篇章取次裁但看江湖詩一  
卷定知曾次不塵埃

錢夏老成無復見張蕭逸駕亦難攀學上錢文通公

公季爵太守張公汝弼黃門蕭公文原薄大理卿夏風流一日同千

載猶記當時杖屨間子容與予皆熟接四公名

兩人携手五羊城浙水東西是弟兄但使有詩仍有

酒不妨長聽鷓鴣聲

番禺留別衡明府公式

風塵薄宦來南海書計衰年走北畿霄漢自憐知己

少天涯猶覺故人稀  
芳菲桃李祥鸞集  
重疊江山旅鴈飛  
爲問微官是何物  
相依無久又相違

西不效隱者調鼎

白石薜蘿房  
青山雲水鄉  
琴傳雷氏斲  
書是汲丘藏  
鹿友同無我  
蜂分亦讓王  
枕中藏雅道  
一卧卽羲黃

次韻郡守胡公太湖二首

名山大川邦域內  
澄波皓月方舟中  
魚龍窟室藏諸  
有天水鴻濛望  
弁空禹功想像  
三江入唐風  
浩蕩九州通  
茲辰更爲方輿重  
帝遣諸侯問上公  
地軸鉤橫海嶽牽  
咸池直下具區連  
封疆何計吳越

限光景長  
涵舜禹天  
白鳥舞波搖  
定日驪龍歸  
洞落腥煙木  
奴萬个安能住  
不是元公卽上仙

次韻郡守胡公闕城登姑蘇臺

六門車馬簇飛埃  
小壘依稀說舊臺  
暇日甞迂羊傳  
駕他年便是峴山隈  
勾吳於越千秋夢  
范蠡西施一種才  
麋鹿綺羅都不見  
紫烟終古鎖荒苔

又次登臺望望虎丘諸山

乾坤雙眼一空亭  
山色能令五馬停  
鹿苑尚銜吳子  
艷虎丘重對白公  
青烟消碧落  
千峯出月浸  
嚴城萬戶扃  
不但登高能賦事  
四郊因省荷鉏丁

哭子畏

天道難公也不私茫茫聚散底須知水衡於此都無  
準月鑑由來最易虧不泯人間聊墨草化生何處產  
靈芝知君含笑歸堯率祇爲斯文世事悲

萬妄安能滅一真六如今日已無身周山旣不容神  
鳳魯野何須哭死麟顏氏道存非謂天子雲玄在豈  
稱貧高才賸買紅塵妬身後猶聞樂禍人

再挽子畏

少日同懷天下奇中來出世也會期朱絃并絕桐薪  
韻黃土生理玉樹枝生老病餘吾尚在去來今際子

先知當時欲印樞機事可解中宵入夢思

送姜夢賓

二首

萬里昆黔地于今得使君莫言民物幸須識聖恩  
勤旭日開幽蔀清霜條惠文爾知朝事否便是昔  
朱雲

矯矯温州牧清聲范史雲當時稱大老今日有夫君  
德用玉爲器曾盤錦作文志行朝野慶我獨歎離群

贈羅抱拙

休言雅志與今違吾道何曾有是非自信移山終有  
術豈知流水亦容機耕田鑿井康懷日夏葛冬裘

字衣誰信閭門名利窟此中巢許自依依

贈張守之工部

世交先進兩先生謂守之先君與先祖父白首今成老弟兄知

我得師終不改如君直道豈難行路無荆棘安能塞

川汰泥沙只自清皓月清風居不隔酒杯茶碗共餘

情

戲為毛百朋索炭

眉山羊肉會稽鵝頗欲臨池手未和便可把君烏玉

換紙窓那得十眉呵

題沈山人藏王舍人竹枝

舍人清真同右軍金鑾退直謝雞群千金不肯賣一

葉今日鳳毛畱贈君

夢噉菜甚美

王醴侯鯖信禍胎露華葉是瓊瑰如今纔享天家

福淨洗饗腸待爾來

贈承公

墻外西林是寶坊林間高卧有支郎定回斜日雲穿

衲吟斷寒更月滿牀妙梵遠通潮隱隱清陰分與栢

蒼蒼何時為取無生話共了跌蒲一夜長

戲作紀夢

何事高唐入夢遊  
淡雲輕雨太溫柔  
瑤姬錯認維摩  
堦枕畔花人空抱  
裯

送揚禮部君謙

我有駿馬圖持附  
君裝畔伯樂既上天  
畱與何人看

觀湖宛轉思及友人

湖上秋風生碧漪  
看來都作憶君思  
君於湖水元何與  
此意冥茫自不知

贈嘉興陳使君

有德由來必有言  
天球剛粟且清溫  
汲公出守謀難寢  
李勉歸來國始尊  
梟獍不同麟鳳翥  
松篁會與稻

梁蕃乾坤直氣長  
畱在萬轉千迴道  
自存

東松江馬別駕

螭端風采久堂堂  
漢室憂民牧守良  
淮甸已知煩汲黯  
雲間今喜得王祥  
霜寒碧落橫鷓鴣  
日麗丹崖舞鳳凰  
猶記觀梅向東閣  
緼袍長帶歲寒香

簡嘉定王令應鵬

江海遙分聖主憂  
春臺遲日玉壺秋  
地當大國方千里  
才號明時第一流  
歌枕潮聲奇句得  
暗庭花影早衙休  
鸞樓自古通麟閣  
褒德先封漢室侯

贈分司鈔關于戶部

初從分部謁巾冠，便畧形骸露肺肝。東有珣琪南有  
箭，紫爲鸞鷲碧爲鸞。關譏盡道能經國，王佐何曾務  
守官。下對蒼生上天子，知公心事浩漫漫。  
琴鶴扁舟曉解携，春風江郭暗棠梨。千家霖雨邦人  
在，一道冰霜憲節西。奉國已知行莫止，戀恩無奈喜  
還啼。平生志操夔臯是，槐棘堂堂次第躋。

重過元抑

再謁還圖笑口開，客襟長戀校書臺。每從王鄭求新

義，試把瓊收共品裁。

君帳下一時  
秀才彙集

時  
蘇然星辰驚太史

豈容江海阻雄才，悠悠塵迹期君定。澤國秋高更擬  
來

贈董五寬

邵南今隱士園北，有幽居。入市或賣藥，閉門惟讀書。  
白雲媚修竹，嘉木蔭清渠。况說新成賦，題名後遂初。  
顧秀才陽山草堂

家住山城不到山，強題詩句抗塵顏。君家客坐煙蘿  
裡，儘著閒人自不閒。

口占寄陸三

達者端居東海邊，重樓高榻卧風煙。想應草木扶疎



下和得淵明孟夏篇  
對高林樹風飄然飄草木  
贈隣院深上人

竹院名童子暮齋坐  
已公亦如王舍內  
却愧魯家東  
共味井泉接分陰  
樹影中間眠  
時倡和律呂隔墻通  
送王先輩納言歸柳州

携將柳州劍獨下  
瀟湘船千里  
景千變一山詩一篇  
離橋梅子雨歸棹  
桂花煙重會雲霄  
上大都纔二年

題人園居

未必丘樊好幽居  
趣自深  
蓬行避小草  
高卧託喬林  
抱灌惟知甕揮鋤  
不見金閭渠  
終歲裏曾有惜葵心

東莊

場上雞豚爭稻穗  
渡頭魚鴨避菱科  
老農到處東莊  
有只少君家擊壤歌

客中以徽扇贖人

客裏嫁嫦娥  
其如良夜何  
共憐風月好不道  
怨恩多  
瘦骨支黃竹  
輕裙疊紫羅  
半年期握手無事篋中歌  
都門送施邦直歸吳興

一時青眼中容我  
十里黃塵外送君  
坦率自憐猶宋  
五咄嗟聞共說  
劉蕢袖頭三尺秋潭水  
口底千章夏  
嶺雲今歲南遊計  
應遂升山相訪幸相分

贈同年趙繕部天常

劍出紅爐錦就裁，霜鋒霞彩照人開。  
雲間素有兼人士，天上今推獨步才。  
覓句剪燈連綺席，浩歌携手看金臺。  
迂狂幸託金蘭尾，况共高秋擢桂來。

贈鮑元卿

人間有幾鮑參軍，已見遺文又見君。  
材器共為時世重，聲華相及古今聞。  
身隨李賀新囊錦，篋貯羊欣舊練裙。  
君藏古名流書畫甚富，定武五字不練裙，損裱帖龍眠西園雅集圖，皆妙品。  
塵土盡十年深恨，久離群。

都門贈吳淵父

時新授巴陵尹

飛譽響江東，鳴琴向楚中。  
麒麟遊甸苑，鳳鳥集梧桐。  
氣吐風雲動，談餘瓦礫空。  
高松一千丈，深喜附唐蒙。

贈崔鴻臚

深

才分震澤清，山下映人明。  
濟北想崔瑗，九江慚祝生。  
籠鵝道士喜，辨鮓座人驚。  
相對華風外，無因共好兄。  
靜伯兄淵父交予最久，其人弱冠之者俊也，不幸蚤沒，句尾及之，吟餘慘然。

送戴戶部仲鵬

冠督漕淮閩

董漕分明是勝遊，雲司高步向南州。  
戴憑不獨深經術，劉晏偏能為國謀。  
竒客晝談風入座，詩人宵詠月當樓。  
懸知燕寢多清夢，飛滿伊涼紫塞頭。

長樂贈陳參軍

浙水兩岐非異土天涯萬里又同官吳江蓴菜皆成  
夢庾嶺梅花且共看立望星河秋耿耿醉聞鐘鼓夜  
漫漫人生離合真難定明日清樽好再乾

次韻奉和左轄方公紫薇東閣之詠

仙樓十二大瀛東何日移來此地雄分省勢依綸閣  
重栽花種與禁闈同文書靜向高明處星宿芒寒掌  
握中知是望京丹悃切凌烟早晚 聖恩濃

答鄭河源見贈

腐芥終依虎魄靈相逢莫道是雲萍因思舊雨來今  
雨却喜文星是使星榕葉作團風獵獵桂花含暈露  
冥冥但教光彩長分照萬里何妨客紫溟

春夜懷鄭河源

傳裏詩筒兩度過河源君子近如何甘棠畫永迷青  
野芳杜春深覆綠波兩地頗同多枳棘九州何處奏  
絃歌唯應知己情難捨早晚疎蹤入薜蘿

海珠寺送黃提刑

風行五嶠過三山又得趨庭未是還天下望公知己  
久朝廷求治亦非艱波澄番舶鯨鯢靜筆倚騷壇草  
木閑瞻戀清光惟此夕月華休下海珠灣

次韻答河源鄭侯見贈

千古高風一日還，摩挲塵眼對清顏。且煩元亮爲彭澤，終使羊公重峴山。渤海未容蠶辦測，女蘿猶許兔絲攀。勞君乞與山陰譜，借取仁言此諭頑。

借前韻贈常博士

曾有靈丹熟九還，刀圭能駐世人顏。盤開苜蓿先生饌，書對神光學士山。席上令行椰酒急，袖中香散桂枝攀。英才滿座霜時雨，莫信昌黎道繼頑。

又借韻自賦一首用呈諸公

纔到炎方便憶遠，空歌遊子劔前顏。窮秋陽鳥遵遙

渚，短景浮雲出故山。開被放衙星未沒，推窓觀海日將攀。諸公總是藍田壁，不棄他山老石頑。

答張掌教再次韻

泮宮清寂坐齋心，風閣微傳絃誦音。善價未能酬美玉，佳篇重辱惠兼金。窓中遠岫浮青靄，門外虛塘卧綠沉。擬向清風明月夜，飄然來此共披襟。

送張掌教致仕歸臨江

青眼摩挲醉袂分，那堪客裏別夫君。風情好似陶彭澤，官職常如鄭廣文。渝水晚沙眠宿鷺，蒙山老樹映歸雲。虛堂索句昏鐘靜，宦海潺湲想未聞。

懷星堂全集卷八

近體

寄李刑部子庸

長洲祝允明著

夫子道中庸誰言世不容山河開正氣江海辱高蹤  
竹素期千載梅花又一冬永懷金玉韻無計久相從

送朝言邑博

萬里我來逢益友三年君宦失嚴親歡中未料忽生  
恨客裏那堪更送人夜雨湘江藜燼暗秋風蓬嶺桂  
香新浮雲聚散何須問閣鳳臺鸞看致身

送連邑博

一紙除書下越中遂行吾道遍西東人言師傅如君  
少我喜 朝廷選士公卓犖松筠饒晚翠芳芬桃李  
滿春風峽山寺裏猿聲切莫使相思夢不通

送張大參 九敬

五月炎州拂袖行蠻烟瘴霧漸身輕鯨波挾颶高如  
許歸看澄江舊水清

廣州贈龍鴻臚

吉水龍夫子論交歲月長屢銜 天子詔二使日南  
王卻餽舟無寶畱題藥有囊銜孟海濱館遠意共茫  
茫

口占贈徐聞令

作邑濱南海銜恩下北宸三吳非異土千里亦同寅  
說到襟懷舊傳來耳目新無因便投轄欲往活疲民  
廣州旅舍有懷提舉醴司王廷輔

陽羨山中王右軍被除塵土擁清芬高情官下澹如  
水令氣座中和若雲前輩風流今漸少平生襟度許  
平分一回聚首一歡樂不向天涯歎離群

為王提醒索墨

客居偶乏墨然亦不能作好  
字左右或有新安下品戲以

一絕句求之  
王義興人也

荆溪麝煤重似鐵嶺外羊管弱於綿婺州偽劑宜惡

札且望分來用一年

讀河源鄭明府公牒有感

讀罷昌言耳目明頭風雖愈涕歸情海南潦倒江南  
客強飯看君作太平

寶應衡君公式授宰番禺在都諸君為燕臺

春餞之什君至粵出示允明倩為補賦

皇都日日敞離筵夫子分符嶺海天見面謾詢為縣  
譜觀詩遙想過溪賢陀樓桂霧迷蠻堞空室秋濤雜  
雅絃我願君王明萬里豈宜重詠北山篇

贈鍊生殷邦寧

沔陽夫子有佳孫四載花齋侍藝文合江亭下別我  
去望眼悠悠逐暮雲

贈安愚柳大中

章甫玄端行秘書穹窿山下竹林居滯如玄晏道不  
遠愚似龍城樂有餘皮几丹黃朝缺雜烟窓缺素夜  
燈虛人間幸有雲龍遇慚愧無因屢命車

次韻郭令虎丘千頃雲夜坐二首

峯頂雲擊塔門前路接城到山先見寺近市不聞聲  
弔古身逾幻憑高酒易醒元借此韻竒中更竒處風度縣  
樓更

登山向落暉曙色又熹微不到上方寂安知塵境低  
元借池星輝國劍松露暈朝衣民事憂方切陶公  
莫謂非

遺安堂

何物堪將付子孫襄陽龐老有遺言唯畱三寸鉏頭  
澤與作千年葛藟根幾見危機生白屋未容高枕在  
朱門公侯復始人間事只恐留畬笏綬存程忠壯公後故云

喜友人過訪

友居西閩門

每尋雲外信喜見案頭題駑駕吾當北蛾眉今在西  
風開橫海翼霜勁踏秋蹄二十年來道華顛幸不迷

贈杜三表弟愿

中表大郎心似水通家老弟氣如雲平流淺瀨知何  
用五色光華佇看君

和孫二育九日

霜力稜稜酒力禁卧遊終日似登臨青山不負謝公  
操黃菊頗知陶令心清觴細茗成實主短髮長風自  
古今晚步從君聊戲馬亂峯深處一猿吟

贈觀

不知身到轉頭年性子觀來已洞然鐵臼藥寒和月  
搗蒲牀脚暖踏雲眠歸期笑計銖衣石定裏閒遊寶



後天要識來時回我相一般門外水中蓮

不賦良贈楞伽院老僧

庭前栢樹手摩挲世壽寧如釋臘多何物與師相伴  
住楞伽山色石湖波

贈道士二首

龍子遺將海藏方換除煙火世間腸三花樹頂千秋  
雪七寶宮中萬杵霜瓊管綠簫通廓落碧文金檢佩  
琳琅松門晝掩煙蘿合獨在峯頭侍紫陽

大道於人自不賒未須終歲學三車雲關笙鶴延真  
馭指繞風雷辟衆邪玄牝谷中金母室至陽門上玉  
皇家懸壺滿貯春消息紫陌任彫千樹花

送萬壽恩住持磧砂

東郭名區號磧砂主持欣得大方家苾蒭不礙旁牽  
蔓蒼筤能開到處花玄鑿杖頭酬象馬歸宗拳下辨  
龍蛇真經古集充三藏願假繡尋助五車

送僧還山

十日雲封石榻閒偶然飛出又飛還送師便擬依師  
住想看梅花欲滿山

送洽住天王寺李弟請贈

權姿妙臘氣翩翩應世機鋒自穎然修習久棲三寶

地主維新屬四王天高臺曠苑宜舒嘯蒲座香牀好  
息禪我爲青蓮李居士揮毫題得壁頭篇

送謝幼和分教興化

芹宮二十春經術重同人月旦先諸謝風流向八閩  
草塘應入夢荔子且嘗新最是襟懷古諸生喜飲醇

送蘇瑾

柳枝不折折梅花帶去吳中舊物華白雪黃雲迷鴈  
影片帆明日是長沙

和吳文定諸公聽琴聯句

座有嘉魚膝有琴今人高會古人心已聞古奏來盈

耳更綴華篇作賞音聘魯雅評猶可識在齊餘韻宵  
難尋廣陵不共嵇公絕響逐兒郎鶴在陰

靜女眠春曉

陳月元非璧荆雲本是人抱衾辭永夜失枕卧嬌春  
嘶馬應南陌流鶯在北隣城隅如可俟無事夢含顰

閨懷

靜婉那成寵嬌燒枉自羞秦娥簫已冷湘女瑟空留  
噩夢疑雲雨靈期忌女牛未禁風綽袂無奈月當樓  
蔽膝強含意琵琶不識愁知誰同薄命心欲爲通謀

無題

強笑爭禁別恨牽，病容憔悴性依然。  
梨花小院留人坐，羅帳燈昏夢二年。  
戲題秉叔燕月之什  
一飲瓊漿骨不塵，五陵才子筆通神。  
簾前隊隊紅粧坐，誰識當年姓沈人。  
無限香雲不斷霞，鳳凰臺下謫仙家。  
丹山碧水桃千樹，不遇劉郎未是花。

秋夜曲

明月深穿轆轤井，蕉梧戍削藏石影。  
房帷螢火入還出，綃被輕圍明月冷。

浩月

玉田金界夜如年，大地人間事幾千。  
萬籟蕭蕭微不辨，露繁霜重月盈天。

秋宵苦雨

井上梧桐閣上鐘，林間烏鳥草間蟲。  
與君盡是淒涼伴，若伴愁人最是儂。

錢園桃花源

落英千點暗通津，小有仙巢問主人。  
狂客莫容劉阮阮，流年不管晉和秦。  
桑麻活計從巖穴，蘿兔芳緣隔世塵。  
只有白雲遮不斷，卜居還許我為隣。

菊圃

高情別自有風期愛是霜餘露後姿靖節以來知者  
寡天隨而下舍君誰誇奇直欲盈千品寄興何妨只  
一枝閑處若能為續譜也堪書尾附吾詩

月潭

南溟分取一泓開便作嫦娥玉鏡臺魄漾虛金澄萬  
有光寒凝碧浸三台蛟龍且抱明珠卧蟾兔能將桂  
子來平奪霓裳與雲錦却憐博望乏仙才

謝道士竹鶴齋

仙房深鎖白雲間君子胎仙共一山千箇虛心雍伯

玉一九浮頂葛洪丹瑤臺霜瑩簫聲迥珠闕風微  
駕閑我欲移家雞犬畔只疑靈境未容攀

梅隱居

平生不識人間路萬樹瓊瑤鎖竹關剛為索詩城市  
去杖藜今始出孤山

贈鐵柱宮閔道士

號明谷

筍為冠子鶴為衣鐵屨雙鞵只欲飛知白自為天下  
谷昏昏默默是玄機

南浦驛送周訓

放舟南浦草萋萋子又東流我又西怪此豫章城上

月清光千里共分携

題葑門外馬生東谿

吳城三面水爲州郡郭東南一派流羨爾高居占清  
勝更東東去是瀛洲

贈江陰方達之

嶺嶠經年未得還勞君光彩照塵顏故鄉自有珊瑚  
樹南海何曾見木難

簡楊三

不將黃土點心曾六十年來氣似龍竹塢霜寒青鳳  
峙芝田春暖白雲封各看明月同千里共對梅花又

一冬吳水吳山休負約酒壺詩卷日相從

金陵送徐子昭

閶門雖不遠白下忽相同仲氏金蘭契徵君木石風  
抱琴登蔣阜拖杖吊吳宮擬下陳君榻書囊又向東  
故相延陵文定公孫仁冠弁竊喜爲詩亦以  
遺之

四海吳夫子成人見冢孫禮應先雀弁懽滿及龍門  
紫鷲非家瑞芳蘭是國根便看瑚璉就觸目有師存

見月

我后又何處重光如舊明連當三夕見喜似百年生

常儀恒在御義輪日代行莫教巫女妬淫潦復縱橫

贈張卿

太僕  
閣大夫

諸侯嚴敵愾 天子極酬功  
進秩三階重 提兵九郡  
雄簡飛霜氣 白劔繡血膏  
紅還應一匡策 緘在皂囊  
中

賀湯弟遷居

與爾為中表 嗟予多別離  
稱觴看鴈翥 遷木指鶯期  
杖策時當過 停雲不用思  
加餐更相祝 行復入京師  
山行近白雲 泉有遙呼於  
林屋 乃瘦石大叅  
也 適受風歸急 不得往 抵舍疾甚少 間馳

懷得句奉呈

小車芳徑出金山 瞥見仙人水石間  
後客應推先客 主行雲不及定  
雲閒 煙霞自熟 孫登嘯笙 鶴應  
啗阮 肇還想有題名 耀丘壑 可能  
鏡我共蒼顏

壽徐瘦石大叅七十

邯鄲枕裏了功名 安樂窩中盡性情  
瘦石煙霞無盡 藏小山雞犬亦長生  
雲間彩鳳啣金簡 花底青鸞度玉笙  
我是橘中同奕者 定騎龍尾共瑤京

題徐子芳秋庭

孺子閒居與世忘 蕭蕭深院映虛堂  
露溥玉榦桐孫

長霜飽金丸橘子香  
白板拄頤迎灝爽  
素絲橫膝笮  
清商知君不是趨  
炎客長嘯一聲天地涼

王荃女詠梅雪

閭門佳麗錦為城中有  
仙人降玉京  
羅嶠有花花解語  
姑山若雪雪能行  
穠如桃李先當素  
鄉自溫柔剩得清  
小室維摩喚天女  
鬢絲相映老卿卿

挽都良玉

曾為瓜圃平生傳  
今讀東陽哭死詩  
彫謝不禁前輩歎  
風儀長繫後人思  
林猿驚上新華表  
鷗鳥來嚙舊釣絲  
軒冕知非公素願  
鳳毛方占上林枝

挽沈材廣

當年校藝每同君  
長羨昂昂鶴在群  
半點功名骰子選  
一時聲價戰場文  
空齋老菊啼秋露  
高塚新松起暮雲  
人世漫哀冥世慰  
滿枝芳桂散華芬

挽陝婦人

其夫商英名賦

豈謂中途失少君  
斷琴殘瑟亂紛紛  
梨花寒食夫君夢  
知逐秦臺幾處雲

壽陳叟

渾然風氣在丘園  
陽抱山前白板門  
得得鉏頭三寸澤  
悠悠葛藟百年根  
旌旃不用來天使  
軒冕難辭出

子孫還記三秬兼七秣壽鄉無日不開尊

壽王貞齋七十

十霜相別又相迎只是當時一樣清天上選仙惟在  
善物中多壽必由貞鄉賓近受邦侯禮家瑞重看子  
姓成知道洞庭波不竭年年釀入紫霞觥

謝道士挽詩

雲房覆清址猶自鎖虛寒耿耿鶴一隻蕭蕭竹數竿  
友人留藥餌弟子寶簪冠欲續周師傳傳師與衆看  
老夫欲問廣寒事只欠扁舟度海雲聞有月槎須借

我授來靈訣卻傳君

松壽

葉翁武功鄰家有高松公為題松壽扁今翁已死其子持卷乞詠為作二章

陶逕曾蒙元亮撫君家今辱武功題護持長使松無  
恙桑梓清陰百歲齊

手種長松已合圍翩然騎鶴海天飛月明露下虬枝  
冷不見人歸見鶴歸

海槎

老枿飄搖渤海濱偶然飛上卧閑身衣霑織女前裙  
水石訪成都賣卜人九漢珠璣光奪鏡三壺宮闕氣  
如銀知君半是神仙骨携我明年一問津



題人扇

扇功本在驅炎上不似屏風只好看  
算得題詩真拙計卻供雙眼失清寒

鴉

日中燁得羽毛纒強効忠來誰願聞  
四十頗能知學易眼前消息不勞君

竹

淇園一枝春雨足渭川千畝秋風高  
先生青眼對君子撚落吟鬚如鳳毛

水仙

罷散天花下紫壇露橫秋袂水鳴環  
凌波欲接君王去又恐繁霜不耐寒

芙蓉

賚重清芳却恨遲詩人曾費幾多詞  
春風無限無名草莫道芙蓉不遇時

含笑

如臯未射息侯誓不作梁家齟齬  
妝春色晏然花事好肯將烽火誤君王

辛夷花

春叢紺碧雜殷紅不受中書舊日封  
羸政少恩君幸

兔年年何事只書空  
受中書詩日桂  
臨如少恩  
既幸

芙蓉兔

霜寒玉線亂秋衣  
葉重花深草氣肥  
靈藥更無人肯  
餌素娥應道不如歸

銜蘆雁

歲歲隨陽計秋風  
三尺蘆上林光景  
好不見子卿書

和日本僧省佐詠其國中源氏園白櫻花

剪雲雕雪下瑤空  
綴向蒼柯翠葉中  
晉代桃源何足

問蓬山異卉是仙風

齋牛花

藥品能攻疾花名強  
效人應無渡河想  
且免服箱辛

殼綻金鈴子苞舒碧角巾  
步行騎水牯欲覓了無因

鵲鵲

長枕三郎作頌時  
桂宮蘭殿重合思  
寧哥可是知人

意小院梨花玉笛吹

鵲鵲

利口如錐豈利身  
名題越調耳常新  
莫教輕與人將

去又遣金陵枉殺人

宣宗皇帝畫馬圖

昔日宣皇履至尊  
堯章煥煥滿乾坤  
三千在御均

承寵一匹露恩便不群馬法盡來空地類龍圖呈處  
是天文丹青不逐烏號去從此房星似掩昏

去又畫家藏劉松年小方

暗門終日癩煙霞寫得東南處處佳湖上煙波志和  
宅山陰風雪戴逵家老僧引澗穿新竹童子和雲掃  
落花揖客入門如有影石墻松蓋夕陽斜

身於一家藏李興宗毛女

寶瑟無絃尚自隨秦聲那復記當時山頭剝棗分猿  
喫雲裏巢笙喚鶴騎見說劉郎驅項藉空勞徐市覓  
安期華陰萬樹長松葉却笑君王未得知

### 小米山水

襄陽松潘未曾乾十里瀟湘五尺寬樵徑不禁苔露  
滑漁簑長帶水雲寒澄澄僧眼連天碧澹澹蛾眉隔  
霧看恐為醉翁當日寫平山堂上雨中觀

### 家藏高尚書松陰落澗圖

倚壑高松一萬株拂巖飛瀑灑巾鋪白龍隱映蒼龍  
舞山氣虛蕪水氣濡淨壁沈沈懸瑤珮空堂隱隱奏  
笙竽平生負得匡廬約幸拜尚書賜不孤

### 錢選水仙

八斗才中畫洛神翠羅輕颺鞞尖塵雪溪老子真能

事更比陳王寫得親

子昂小景 五首

春山雨新沐掩靄結濃綠一葉金芙蓉粲粲迎朝旭  
漁舟何所至兩兩鏡光中泂泂沂春漲更喜天無風  
江亭小於艇松子落滿頂盡日無人來流水抱虛影  
晴陽破嵐暝水色當春和如何異人境而有樵者歌  
隔塢有絕壁蘿扉對山開客子何爲者能入深山來  
吳鎮小筆  
樹欲化龍先帶雨泉將歸海已如濤直恐化人移幻  
境莫誇墨瀋與霜毫

戴文進小幅

峭壁遙撐落照危蜿蜒曲隴繞脩陂前頭徑轉峯回  
境說與時人定不知

沈徵君遇小景 二首

藤花垂露媚蒼龍山靜嵐深草氣融紫褐玉琴空指  
點白雲樓閣鎖重重  
淨壁虛亭楊柳青闌干白袷午風輕披殘一卷黃庭  
訣不見人聲有鶴聲

邊文進翎毛

來禽畫眉

巫峽朝雲隔翠波  
仙禽無奈晚來多  
風流只愛張京兆  
日日章臺走馬過

櫻桃白頭翁

的歷丹飴妃女唇  
含來名重不勝春  
栢梁臺上劉郎老  
斷送因他郭舍人

為朱民部題陶成水仙陶即其婦翁

帝子不沈湘  
亭亭絕世妝  
曉煙橫薄袂  
秋瀨韻明璫  
洛浦應求友  
姚家合讓王  
殷勤歸水部  
雅意在分香

題徵明畫

蒼幘滄沈雲  
一棹歸來  
信流水萬襟同澹然

徵明畫草

光風輕汎綠迢迢  
氣暖煙和未盡消  
想得美人簾底坐  
月華斜漾翠裙腰

徵明墨菊

凍硯呵寒下筆遲  
鬚眉幻出陸天隨  
知君繞指冰霜走  
更把冰霜吐作詞

堯民小筆

隱者高居不在城  
閒來搦筆寫平生  
藤枝策策從何去  
葑水東頭吊古行

金山圖

昔年曾趣海門潮，獨向龍宮吊寂寥。  
窺席寒風不成夢，老蛟一夜獻瓊瑤。

小景

濃雲壓嶺雨初至，密葉障林風更多。  
只有漁翁能了事，一枚圓笠半肩蓑。

題何大叅菊花圖卷子

花有仙靈筆有神，化權終不在陽春。  
一般秋色成千品，前度桃花卻後塵。  
誰信珠璣顏色好，獨憐霜雪性情親。  
菊詩萬首從君選，未必微篇愧古人。

戲題子畏墨竹

唐郎寫竹如寫字，正以風情韻度高。  
我解平章不能寫，未曾分得鳳凰毛。

胡馬圖

駿骨千金產名王，萬里歸風煙辭大漠。  
雲雷赴皇畿，立仗容陪舞從龍。  
敢假威此來空地，類首藉近郊肥。

省耕圖

老農真我事，何敢笑樊須。  
植杖芸苗處，伸眉納稅餘。  
鋤頭三寸澤田舍，五行書飽飯高眠。  
熟朱門未必如。

子儋畫梅

子儋屋潤體復胖，寫出冰花朵朵寒。  
何物指頭能爾。

許元來鐵石是心肝

琵琶士女

馬上明妃萬里行  
四條絃裏斷腸聲  
如今織手朱絲底  
不唱離情唱合情

佇立士女

非緣望遠上秦樓  
楊柳依依翠陌頭  
畫就遠山調錦瑟  
最憐夫婿不封侯

題畫

一首

白雲媚蒼山寂寂太古春  
宿藹林薄中一區宅無鄰  
揚子坐清靜閉門了玄文  
兩生勿輕過惟通問字人

又

季冬雪重積十日奇寒  
沍咽不聞葱蘢失其故  
客子欲何歸中林猶獨步  
幸有蒼蒼松為辨去來路  
道士鶯

曾從老遠說遺經  
淨影堂前幾歲聽  
未必右軍今有筆  
莫將容易換黃庭

絕句

二首

忽見銀河水倒傾  
森森毛髮不勝清  
悟來只在空山頂  
卧聽松風夾雨聲

寒光交逗眼蒼然  
半夜人間別有天  
想得非仙亦非

鬼四山風雨擁孤眠

雜題畫景

秋浸具區天地寒老崖垂脚怒龍蟠  
仙人夜半騎龍去木客潛窺古竈丹

又

斷崖橫截傲崇岡風葉滿林斜日黃  
十歲采薪多伴侶不知翁子有他腸

又

江曲柴門日自關夕陽舟楫斷萍間  
寒流遠近長如玉流過漁磯便不開

又

五月江湖風雨多釣磯平沒夜來波  
深林中有揚雄宅莫怪時人載酒過

又

雲母薄梳青石髮水花肥點碧荷錢  
樹根一坐空山老不許時人問歲年

又

赤城霞斷逗秋暉閭闔風高不耐衣  
極目水天無了際先生何處朗吟飛

又



滄合浮雲晚放晴溪山相照寂無聲不知問字人何處門外孤舟盡日橫

又

面面青山曲曲溪流雲易度石墻低苔生任把門蹤合鶴返容教樹杪棲

又

瑯琊臺頂太山杪我欲去登瀕御風稽首東皇拱雙手金烏高捧一輪紅

又

爛銀盤圓一千里白玉髓噴三萬重老蛟背馱龍女

泣百斛寶珠拋海東

又

霞捲夕陽天外天抗風踈柳幾枝偏拋將濕網坡頭曬且旁網邊乘醉眠

又

暗崖懸立玉龍飛怒蹴層冰萬馬齊半夜哀音和空谷愁翻木客喚猿啼

又

玄文草罷坐川湄川與心同清靜時此地可志新漢事莫將容易與人知

溪橋回轉鳥聲微杖屨蕭蕭兩布衣不是耕夫出莘  
野秋風落日採薇歸

又

老石空林了此生一江秋水對人清扁舟若爲求魚  
出莫向茆亭脚下行

又

柳風欺水細生鱗山色浮空澹抹銀總道江南風景  
好從前都讓膏泥人

又

天空地濶偶相逢散漫寒流硯間松不用方舟細蔭  
畧到頭岐路總難同

又

花滿百花潭北莊無人同出碧鷄坊因風竹葉浮巾  
翠落地松花上屐香

又

寂歷茅堂草樹深隱居蹤跡杳難尋直應獨自携琴  
去小答松篁太古音

又

覆有高林載有苔石公木客可參陪山居事業畧完

具只是無人肯入來

又

破屋依依寂寞濱  
千山頭白樹存身  
洛陽縣令曾知否  
香中有饑吟僵卧人

又

闌屢寬袍頂不巾  
天和拍拍面浮春  
橫拖杖子前山去  
知是人間不吏人

又

秋水浮船五尺深  
也無情事到謳吟  
十年蕩槩無人問  
却有飛鴻識我心

又

溪林元不擇人清  
自少人來向此行  
若使行人多此處  
謝安何必有高情

又

巖谷空明溪水冷  
高人據梧目若瞑  
行留坐卧都不省  
短髮長風弄踈影

又

桃花柳花覆春洲  
燕兒魚兒迎客舟  
青巖白雲紫翠嶂  
虛橋小浦回環流

又

吟詩寫畫似參禪不向他人被裏眠生公堂前點頭  
石天平山上白雲泉

又  
曾到和寧市上來江山滿壁照人開都輸此幅丹陽  
景回首煙花暗鳳臺

又  
柳娘標格重經眼玉屑珠塵滿扇頭彷彿和寧街上  
見桃花楊柳障春羞

又  
晃玉搖銀小扇圖五雲樓閣女仙居行間著箇秋香

字知是成都薛校書

又  
一溪流水半山雲山桂綿綿日夕芬莫言丘壑藏名

姓高士他年自傳君

又  
落日採薇歸蕭蕭兩布衣爾來人采少春雨長頑肥

又  
靈巖好箇景鑿得不成山人自要頭白山頭也會斑